

禪

月

集

一





禪 月 集  
(一)

釋 貫 休 撰

禪月集載在全唐詩鈔者僅一二卷。卽胡震亨所存三卷而另編者也。攷陶岳五代史補稱貫休西岳集四十卷。弟子曇域裒其全集爲三十卷。欽定四庫書目提要載禪月集二十五卷。補遺一卷。然則今所未見者且過半矣。竊意唐代以詩取士。故一時名流碩彥相與詠歌。洋洋乎鼓吹休明。和其聲以鳴國家之盛。若貫休一方外耳。而乃以悲憤蒼涼之思。寫清新俊逸之辭。忽而虎嘯。忽而鸞吟。忽而夷猶清曠。神鋒四出。又如千金駿足。飛騰飄警。霧澗注坡。以視鼉蟲之鳴吹。月露之瑤鏤。夷然如寸莛撞鐘之無甚高論。噫。貫休亦奇矣哉。若夫證圓通於水月。參妙諦於煙雲。一字一言。無非棒喝。讀是詩者。當藝妙香奉之。貫休字德隱。姓姜氏。蘭谿人。相傳爲七歲出家云。同治八年冬十一月。同郡後學胡鳳丹月樵甫謹序。

貫休，字德隱，俗姓姜氏，蘭谿人。七歲出家，日讀經書千字，過目不忘。既精奧義，詩亦奇險，兼工書畫。初爲吳越錢鏐所重，後謁成汭，荆南。汭欲授書法，休曰：「須登壇乃授。」汭怒，還放之黔。天復中，入益州。王建禮遇之，署號禪月大師，或呼爲得得來和尚。終於蜀，年八十一。初有西嶽集，吳融爲序，極稱之。後弟子曇域更名寶月集，其全集三十卷，已亡。胡震亨謂宋睦州刻本多載他人詩，不足信。其說亦不知何據。胡存詩僅三卷，今編十二卷。

禪月集目錄

卷一

善哉行

讀離騷經

陽春曲

白雪曲

上留田

胡無人一本  
行字

苦寒行

蒿里一本有  
曲字

臨高臺

杞梁妻

古離別

戰城南二首

少年行

夢遊仙四首

輕薄篇二首

長安道

洛陽塵

富貴曲二首

野田黃雀行

古意九首

酷吏詞

還舉人歌行卷

陳宮詞

擬齊梁酬所知見贈二首

經古戰場

村行遇獵

漁家

田家作

江邊祠

苦熱寄赤松道者

偶作二首

夜一作秋夜曲

春晚書山家

一本有主人二字

屋壁二首

春晚閑居寄陳嵩伯

長持經僧

茫茫曲

古鏡詞上劉侍郎

送姜道士歸南岳

了仙謠

卷二

循吏曲上王使君

古鏡詞

懷張爲周朴

題弘顛三藏院

古意代友人投所知

聞知己入翰林

上裴大夫二首

上劉商州

閑居擬齊梁四首

塞上曲二首

擬齊梁體寄馮使君三首

書匡山老僧菴

讀顧況歌行

遇葉進士

寄高員外

對月作

上孫使君

行路難

嘲商客

上馮使君五首

古塞下曲四首

經曠禪師院

送張拾遺赴施州司戶

續姚梁公坐右銘

謝盧少卿惠千文

卷三

大蜀皇帝壽春節進堯銘舜頌二首

冬未病中作二首

寄杜使君

書陳處士屋壁二首

山茶花

哭靈一上人

泊秋江

寄王滌

擬君子有所思二首

鼓腹曲

邊上作三首

書倪氏屋壁二首

上盧少卿覓千文

大蜀高祖潛龍日獻陳情偈頌

寄大願和尚

寒月送玄一本有道字

上杜使君

上盧使君

和楊使君遊赤松山

杜侯行

山中作

將入匡山別芳晝二公二首

別杜將軍

問岳禪師疾

施萬病丸

寄韓團練

深山逢老僧二首

懷二三朝友

義士行

上顧大夫

士入天台

送僧入馬頭山

送顧雅禪師

送崔使君

偶作五首

聞前王使君在澤潞居

送楊秀才

送夢上人歸京

上荆南府主三讓德政碑

甘雨應祈

春野作五首

道情偈

偶作

觀懷素草書歌



送盧舍人三首

黃鸞

別仙客

讀唐史

卷四

春山行

懷香爐峰道人

晚泊湘江作

讀杜工部集二首

讀劉得仁賈島集二首

經費隱居舊宅

春過鄱陽湖

寄馮使君

寄天台道友

貽世

宿深村

送越將歸會稽

寒江上望

樵叟

送諫官南遷

觀李翰林真二首

淮上逢故人

題簡禪師院

天台老僧

秋末懷舊山

寄僧野和尚

寄紫閣隱者

旅中懷孫路

覽李秀才卷

懷方干張爲

懷白關道侶

懷四明亮公

上俞許二判官

歸故林後寄二三知己

秋末江行

思匡山賈匡

贈方干

題友人山居

懷武夷紅石子二首

懷周朴張爲

鄱陽道中作

送僧遊天台

硯瓦

筆

四皓圖

讀孟郊集

秋過錢塘江

懷劉得仁

春寄西山陳陶

送人歸新羅

偶作

漁父

寄宋使君

送人征蠻

寄令狐郎中

歸故林別知己

詠竹根瓊子

水壺子

棋

夜對雪作寄友生

寄清冷山道人

秋居寄王相公三首

卷五

聞徵四處士

寄匡山紀公

苦熱

懷武昌樓一二首

送道士歸天台

春送禪師歸閩中

避寇山中作

題嶧桐律師院

秋夜翫月懷玉霄道士

懷諸葛珏二首

送沈侍郎

題惠琮律師院

秋盡途中作

讀玄宗幸蜀記

送友人下第遊邊

聞無相道人順世五音

鄂渚贈祥公

寒食郊外

經孟浩然鹿門舊居二首

途中逢周朴

避寇上唐臺山

上馮使君渡水僧障子

上杭州令狐使君

懷錢唐羅隱章魯封

題宿禪師院

秋晚泊石頭驛有寄

秋夜吟

寄馮使君

贈李祐道人

上宋使君

送黃賓于赴舉

送高九經赴舉

送王貞白重試東歸

贈景和尚院

題師穎和尚院

劉相公見訪

鄂渚逢楊贊禹

送胡處士

寄棲一上人

秋末寄張侍郎

別盧使君

桐江閑居作十二首

經棲白舊院二首

贈景和尚院

離亂後寄九峰和尚二首

題靈溪暢公墅

東西二林寺流水

早秋卽事寄馮使君

寄西山胡汾

遊雲頂山晚望

寄赤松舒道士二首

別性空禪師

寄瀾公二首

送僧之湖南

古塞曲三首

古塞下曲七首

古出塞曲三首

贈抱麻劉舍人

卷六

夜寒寄盧給事二首

聞王慥常侍卒三首

聞大願和尚順世三首

送僧之靈夏

明進士北齋避暑

喜不思上人來

送劉逖赴閩辟

送僧歸日本

送吏部劉相公除東川

夜對雪寄杜使君

送盧瞻罷廬陵幕歸闕鄉

古塞上曲七首

聞赤松舒道士下世

送葉蒙赴舉

秋晚野步

聞葉蒙及第

書無相道人菴

晚春寄吳融于競二侍郎

秋懷赤松道士

苦雨中作

贈信安鄭道人

送智光禪伯

送王穀及第後歸江西

避寇白沙驛作

聞李頻員外卒

閑居作

寄山中伉禪師

懷匡山山長二首

秋末入匡山船行八首

送友人之嶺外

上馮使君山水障子

送吳融員外赴闕

送僧入石霜

送陳秀才赴舉兼寄韓舍人

晚春寄張侍郎

送盧秀才應舉

寄懷楚和尚二首

卷七

遇五天僧入五臺五首

江陵寄翰林韓偓學士

和章相公見示閑臥

秋寄栖一

懷高真勳二首

送僧歸華山

送盧舍人朝覲

送令狐煥赴闕

送姚洎拾遺自江陵幕赴京

送僧歸南康

送友人及第後歸台州

寄景判官兼思州葉使君

聞新蟬寄桂雍

山章相公話婺州陳事

經普化禪師影院

秋寄李頻使君二首

江邊道士

懷謬獨一

寄西山胡汾吳樵

送杜使君朝覲

題弘式和尙院兼呈杜使君

三峽聞猿

題淮南惠照寺律師院

寄杭州靈隱寺宋震使君

送新羅僧歸本國

聞友人駕前及第

送崔尙書朝覲

寄新定桂雍

干霄亭晚望懷王棨侍郎

送僧之東都

上東林和尙

送僧之湖外

送廬山衲僧

休糧僧

送人之嶺外

湖頭別墅三首

聞知聞赴成都辟請

秋末長興寺作

送人歸夏口

避寇入銀山

避地毘陵上王儲使君

寒夜有懷同志

贈靈鷲山道潤禪師院

海邊見羅鄴

送于兢補闕赴京

送鄭準赴舉

寄拄杖上王使君

秋望寄王使君

送緣有禪師與雷處士入武夷山

送友生入越投知己

寄烏龍山賈泰處士

題大安寺通禪師院

春晚寄盧使君

武昌縣與晝公兼寄邑宰

別東林僧

避地寄高蟾

懷武夷山禪師

秋末閑居作

贈許徵君

秋夜作因懷天台道者

偶作因懷大同道友

邊上行

江西再逢周璉

登鄱陽寺閣

秋晚野居

酬杜使君見寄

湖上作

送僧歸天台寺

卷八

壽春節進

送僧之安南

送僧歸剡山

送僧入幽州



送僧遊五臺

題令宣和尚院

經士馬中作

題方公院寄夏侯明府

懷智體道人

寄靜林別墅胡進士兄弟

偶作

經先主廟作

夏日晚望

覽皎然渠南鄉集

大駕西幸秋日聞雷

秋末江上望

寒望九峰作

新援

追憶馮少常

送僧入五洩

寄四明閭邱道士二首

士馬後見赤松舒道士

與劉象正字

贈晦公禪人

懷赤松故舒道士

春日許徵君見訪

寄中條道者

送僧歸山

覽姚合極玄集

詩紀事題  
作言詩

乞食僧

薊北寒月作

懷南岳隱士二首

聞閔廷言周璉下第

寄景地判官

讀賈區賈島集

送衲僧之江西

故林偶作

寄栖白大師二首

送人之渤海

寄李道士

秋送夏郢歸錢塘

送僧歸翠微

經友生墳

懷洛下盧縉雲

送李鏘赴舉

寶禪師見訪

觀棋

題一上人經閣

和毛學士舍人早春

卷九

壽春進祝聖七首

早秋夜坐

早起

秋晚野步

晚望

寄翰林陸學士

贈造微禪師院

南海晚望

寄廬山大願和尚

懷薛尚書兼呈東陽王使君

上馮使君水晶數珠

送明覺大師兼寄鄭山人

廬山尋靈紀不遇

懷匡山道侶

春晚訪鏡湖方干

卷十

蜀王入大慈寺聽講

少監三首

經弟妹墳

別馮使君

和李判官見新榜爲兄下第

酬韋相公見寄

酬王相公見贈

道情偈三首

道中逢乞食老僧

陋巷

聽僧彈琴

題曹溪祖師堂

懷盧延讓

秋過相思寺

蜀王登福感寺塔三首

再到鍾陵作

到蜀與鄭中丞相遇

上新定宋使君

送羅鄴赴許昌辟

酬張相公見寄

酬周相公見贈

馬上作

秋末寄武昌一公

終南僧

漁者

大蜀皇帝潛龍日述聖德詩五首

陳情獻蜀皇帝

壽春節進大蜀皇帝五首

對雪寄新定馮使君二首

送劉相公朝覲二首

避寇遊成福山院

別李常侍

送鄭閣赴閩辟

寄信州張使君

春末寄周璉

讀吳越春秋

春遊靈泉寺

歸東陽臨歧上杜使君七首

卷十一

春

聞迎真身

灞陵戰叟

遇道者

贈鍾陵陳處士

懷隣叟

贈軒轅先生

偶作因懷山中道侶

送新羅人及第歸

送新羅衲僧

春晚桐江上閑望作

商山道者

聞許棠及第因寄桂雍

灑江秋居作

上縉雲段使君

野居偶作

題蘭江言上院二首

鷺鷥有懷

秋夜懷嵩少因寄洛中舊知

秋末寄上桐江馮使君

道士

庭橘

孤雲

古戰處

招友人宿

卷十二

山居詩二十四首

上盧使君二首

賀雨上王使君二首

春末蘭溪道中作

再遊東林寺作五首

中秋十五夜月

東陽罹亂後懷王慥使君五首

避地毘陵寒月上孫徽使君兼寄東陽王使君三首

禪師

風琴

落花

苦吟

偶然作

再逢虛中道士三首

陪馮使君遊六首

感懷寄盧給事二首

賀鄭使君

送鄭使君

贈楊公杜之舅

遊金華山禪院

寄鄭道士二首

送少年禪師二首

古劍池

曹娥碑

比干傳

送人遊茆山

聞杜宇

聽曉角

宿赤松山觀題道人水閣兼寄郡守

春遊涼泉寺

經吳宮

送薛侍郎貶峽州司馬

將入匡山宿韓判官宅

送鄭侍郎騫赴闕

上盧使君

寄匡山大願和尚

別盧使君歸東陽二首

溪寺水閣閑眺因寄宋使君

春送趙文觀送故合州座主神櫬歸洛

磬光大師草書歌

題成都玉局觀孫位畫龍

觀地獄圖

贈雷卿張明府

獻錢尙父

繡州張相公見訪

題某公宅

海覺禪師山院

月夕

晚望

贈寫經僧楚雲

寄天台集道士

陶種柑橙令山童買之

律師

句

悼張道古

夜雨

早霜寄蔡大

寄題詮律師院

送道友歸天台

春送僧

書石壁禪居屋壁

禱月集卷一

唐 釋貫休撰

善哉行 傷古曲  
無知音

有美一人兮婉如青揚。識曲別音兮令姿煌煌。繡袂捧琴兮登君子堂。如彼萱草兮使我憂忘。欲贈之以紫玉尺白銀鐙。久不見之兮湘水茫茫。

讀離騷經

湘江濱。湘江濱。蘭紅芷白波如銀。終須一去呼湘君。問湘神。雲中君不知何以交靈均。我恐湘江之魚兮。死後盡爲人。曾食靈均之肉兮。箇箇爲忠臣。又想靈均之骨兮。終不曲。千年波底色如玉。誰能入水少取得。香沐函題貢上國。貢上國。卽全勝和璞。懸瓊垂棘結綠。

陽春曲 江東廣  
明初作

爲口莫學阮嗣宗。不言是非非至公。爲手須似朱雲輩。折檻英風至今在。男兒結髮事君親。須數前賢多慷慨。歷數雍熙房與杜。魏公姚公宋開府。盡向天上仙宮閑處坐。何不卻辭上帝下下土。忍見蒼生苦苦苦。

白雪曲

列鼎佩金章。淚眼看風枝。卻思食藜藿。身作屠沽兒。負米無遠近。所希升斗歸。爲人無貴賤。莫學雞狗肥。



斯言如不忘。別更無光輝。斯言如或忘。卽安用人爲。

上留田

父不父。兄不兄。上留田。螿賊生。徒陟岡。淚嶢嶢。我欲使諸凡鳥雀。盡變爲鵲。我欲使諸凡草木。盡變爲田荆。鄰人歌。鄰人歌。古風清。清風生。

胡無人

一本有行字

霍嫖姚。趙充國。天子將之平朔漠。肉胡之肉。燼胡帳幄。千里萬里。唯留胡之空殼。邊風蕭蕭。榆葉初落。殺氣晝赤。枯骨夜哭。將軍旣立殊勳。遂有胡無人曲。我聞之。天子富有四海。德被無垠。但令一物得所。八表來賓。亦何必令彼胡無人。

苦寒行

北風北風。職何嚴毒。摧壯士心。縮金烏足。凍雲翳翳。礙雪一片。下不得。聲遠枯桑。根在沙塞。黃河徹底。頑直到海。一氣搏束。萬物無態。唯有吾庭前。杉松樹枝。枝枝健在。

蒿里

一本有曲字

兔不遲。烏更急。但恐穆王八駿。著鞭不及。所以蒿里。墳出叢叢。氣凌雲天。龍騰鳳集。盡爲風消土喫。狐掇蟻拾。黃金不啼。玉不泣。白楊騷屑。亂風愁月。折碑石人。莽穢榛沒。牛羊窳窳。時見牧童兒。弄枯骨。

臨高臺

涼風吹遠念，使我升高臺。寧知數片雲，不是舊山來。故人天一涯，久客殊未回。鴈來不得書，空寄聲哀哀。

杞梁妻

秦之無道兮四海枯，築長城兮遮北胡。築人築土一萬里，杞梁貞婦啼鳴鳴。上無父兮中無夫，下無子兮孤復孤。一號城崩塞色苦，再號杞梁骨出土。疲魂飢魄相逐歸，陌上少年莫相非。

古離別

離恨如旨酒，古今飲皆醉。只恐長江水，盡是兒女淚。伊余非此輩，送人空把臂。他日再相逢，清風動天地。

戰城南二首

萬里桑乾傍，茫茫古蕃壤。將軍貌憔悴，撫劍悲年長。胡兵尙陵逼，久住亦非強。邯鄲少年輩，箇箇有伎倆。拖槍半夜去，雪片大如掌。

磧中有陰兵，戰馬時驚蹶。輕猛李陵心，摧殘蘇武節。黃金鎖子甲，風吹色如鐵。十載不封侯，茫茫向誰說。

少年行

記事作公子行一本後二首作公子行 休入蜀王建遇之甚厚一日  
召令誦近詩時貴戚皆坐休欲諷之乃稱公子行建善之貴倖皆怨之

錦衣鮮華手擎鶻，閑行氣貌多輕忽。稼穡艱難總不知，五帝三皇一作王是何物。

自拳五色裘，進入他人宅。卻捉蒼頭奴，玉鞭打一百。面白如削玉，猖狂曲江曲。馬上黃金鞍，適來新賭得。

夢遊仙四首

夢到海中山入箇白銀宅。逢見一道士稱是李八伯。

三四仙女兒。身著琴瑟衣。手把明月珠。打落金色梨。車渠地無塵。行至瑤池濱。森森椿樹下。白龍來嗅人。宮殿崢嶸籠紫氣。金渠玉砂五色水。守關仙婢相倚睡。偷摘蟠桃幾倒地。

輕薄篇二首

繡林錦野春態相壓。誰家少年馬蹄踢踢。鬪雞走狗夜不歸。一擲賭卻如花妾。誰云一作惟言不顛不狂。其名不彰。悲夫。

木落蕭蕭蟲一作蛩鳴唧唧。不覺朱鴛臉紅。霜劫鬢漆。世途多事。泣向秋日。方今少壯不努力。老大徒傷悲。

如何。

長安道

憧憧合合八表一轍。黃塵霧合。車馬火熱。名湯風雨。利輾霜雪。千車萬馱。半宿關月。上有堯禹。下有夔尚。紫氣銀輪兮一本無常覆金闕。仙掌捧日兮一本無濁河澄澈。愚將草木兮一本作有言與華封人兮一本作有言不

別。一本作不別

洛陽塵

昔時昔時洛城人。今作茫茫洛城塵。我聞富有石季倫。樓臺五色干星辰。樂如天樂日夜聞。錦姝繡妾何紛紛。真珠簾中姑射神。人文金線玉香成暮雲。孫秀若不殺。晉室應更貧。伊水削行路。塚石花磷磷。蒼茫

金谷園。牛羊斲荆榛。飛鳥好羽毛。疑是綠珠身。

富貴曲二首

有金張族。驕奢相續。瓊樹玉堂。雕牆繡轂。紈綺雜雜。鐘鼓合合。美人如白牡丹花。半日只舞得一曲。樂不樂。足不足。爭教他愛山青水綠。

如神若仙。似蘭同雪。樂戒于極。胡不知輟。只欲更綴上落花。恨不能把住明月。太山肉盡。東海酒竭。佳人醉唱。敲玉釵折。寧知耘田車水翁。日日炙背欲裂。

野田黃雀行

高樹風多吹爾巢。落深蒿葉暖。宜爾依泊。莫近鴟類。蛛網亦惡。飲野田之清水。食野田之黃粟。深花中睡。埽土裏浴。如此卽全勝。啄太倉之穀。而更穿人之屋。

古意九首

一雨火雲盡。閉門心冥冥。蘭花與芙蓉。滿院同芳馨。佳人天一涯。好鳥何嚶嚶。一作嚶鳴我有雙白壁。不羨于

虞卿。我有徑寸珠。別是天地精。玩之室生白。瀟灑身安輕。只應天上人。見我雙眼明。

陽烏燦萬物。一作草木懷春恩。茫茫塵土飛。培壅名利根。我本是蓑笠。幼知天子尊。學爲毛氏詩。亦多直致言。不慕需臚。一作類附勢同崩奔。唯尋桃李蹊。去去長者門。

美人如遊龍。被服金鴛鴦。手抱古刀尺。在彼白玉堂。文章深掣曳。珂珮鳴丁當。好風吹桃花。片片落銀床。何妨學一作當舉羽翰。遠逐朱鳥翔。

乾坤有清氣。散入詩人脾。聖賢遺清風。不在惡木枝。千人萬人中。一人兩人知。憶在東溪日。花開葉落時。一作我擬以黃金鑄作鍾子期。

莫輕白雲白。不與風雨會。莫見守羊兒。或是初平輩。人生非日月。光輝豈常在。一榮與一辱。古今一作常相對。君一本無君字不見于公門。子孫好冠蓋。

古交如真金。百煉色不回。今交如暴流。儻忽生塵埃。我願君子氣。散爲青松栽。我恐荆棘花。只爲小人開。傷心復傷心。吟上高高臺。

常思謝康樂。文章有神力。是何清風清。懷然似相識。一種爲頑器。得作翻經石。一種爲枯槁。得作登山屐。永嘉爲郡後。山水添鮮碧。何常學羽翰。一去觀遺跡。

常思李太白。仙筆驅造化。玄宗致之七寶床。虎殿龍樓無不可。一朝力士脫靴後。玉上青蠅生一箇。紫皇殿前五色麟。忽然掣斷黃金鎖。五湖大浪如銀山。滿船載酒搗鼓過。賀老成異物。顛狂誰敢和。寧知江邊墳。不是猶醉臥。

憶在山中時。丹桂花葳蕤。紅泉浸瑤草。白日一作日夕生華滋。箬屋開地鑪。翠牆挂藤衣。看經竹窗邊。白猿三兩一作四枝。東峰有老人。眼碧頭骨奇。種蕪煮白石。旨趣如嬰兒。月上來打門。月落方始歸。授我微妙訣。恬

澹然作無所爲別來六七年只恐白日飛

酷吏詞

唐末寇亂。休避地。渚宮荆帥高氏優待之。館于龍興寺。會有謁宿。語時政不治。乃作酷吏詞以刺之。

霰雨瀟瀟。風吼如嘶。有叟有叟。暮投我宿。吁歎自語。云太守酷。如何如何。掠脂幹肉。吳姬唱一曲。等閑破紅束。韓娥唱一曲。錦段鮮照屋。寧知一曲兩曲。曾使千人萬人哭。不惟哭。亦白其頭。飢其族。所以祥風不來。和氣一作風不復。蝗乎一作兮。蠶乎一作兮。東西南北。

還舉人歌行卷

厚於鐵圍山上鐵。薄似雙成仙體纈。蜀機鳳雛動。整翫珊瑚。枝枝撐著月。王愷家中藏難掘。顏回飢僂愁天雪。古松直筆雷不折。雪衣女啄蟠桃缺。珮入龍宮步遲遲。繡簾銀殿何參差。卽不知驪龍失珠知不知。

陳宮詞

緬想當時宮闕盛。荒宴椒房懷堯聖。玉樹花歌百花裏。珊瑚窗中海日迸。大臣來朝酒未醒。酒醒忠諫多不聽。陳宮因此成野田。耕人犁破宮人鏡。

擬齊梁酬所知見贈二首

靜只焚香坐。詠懷悲歲闌。佳人忽有贈。滿手紅琅玕。不獨耀肌魄。將行爲羽翰。酬如上青天。風雪空漫漫。美如仙鼎金。清如織手琴。孫登嘯一聲。縹緲不可尋。但覺神洋洋。如入三昧林。釋手復在手。古意深復深。

慚無英瓊瑤。何以酬知音。

經古戰場

茫茫凶荒。迥如天設。駐馬四顧。氣候迂結。秋空崢嶸。黃日將沒。多少行人。白日見物。莫道路高低。盡是戰骨。莫見地赤碧。盡是征血。昔人昔人。既能忠盡于力。身糜戈戟。脂其風膏。其域今人。何不繩其膾。植其食。而使空曠。年年常貯愁煙。使我至此。不能無言。

村行遇獵

獵師紛紛走榛莽。女亦相隨把弓矢。南北東西盡殺心。斷燒殘雲在圍裏。鶻拂荒田兔成血。竿打黃茅雉驚起。傷嗟箇輩亦是人。一生將此關身已。我聞天地之大德曰生。又聞萬事皆天意。何遣此人又如此。猶更願天公一丈雪。深山麋鹿盡凍死。

漁家

赤蘆蓋屋低壓恰。沙漲柴門水痕疊。黃雞青犬花蒙籠。漁女漁兒掃風葉。有叟相逢帶秋醉。自拔船楫色無媿。前山脚下得魚多。惡浪堆中盡頭睡。但得忘筌心自樂。肯羨前賢釣清渭。終須畫取挂秋堂。與爾爲鄰有深意。

田家作

田家老翁無可作。晝甌蒸梨香漠漠。只向塔前曝背眠。赤桑大葉時時落。古壘侵門桃竹密。倉囤峨峨欲

遮蔽一作日自云孫子解耕耘四五年來腹多實我聞此語心自悲世上悠悠豈得知稼而不穡徒爾爲

### 江邊祠

松森森江渾渾江邊古祠空閉門精靈應醉社日酒白龜咬斷菖蒲根花殘冷紅宿雨滴土龍甲溼鬼眼赤天符早晚下空碧昨夜前村行霹靂

### 苦熱寄赤松道者

天雲如燒人如炙天地鑪中更何適蟬喘雷乾冰井融些子清風有何益守羊真人聘之役高吟招隱倚碧壁紫氣紅煙鮮的的澗茗園瓜麴塵色驕冷奢涼合相憶

### 偶作二首

新詩一千首古錦初下機除月與鬼神別未有人知子期去不返浩浩良不悲不知天地閒知者復是誰門前數枝路路路車馬鳴名埃與利塵千里萬里行只見青山高豈見青山平朱門勢峨峨冠蓋何光明黃鳥在花裏青蟬奪其聲爾生非金玉豈常貴復貞寄言之子心可以歸無形

### 夜曲一作秋

蟪蛄切切風騷騷芙蓉噴香蟾蜍高孤燈耿耿征婦勞更深撲落金錯刀

### 春晚書山家一本有主人二字屋壁二首

柴門寂寂黍飯馨山家煙火春雨晴庭花濛濛水泠泠小兒啼索樹上鶯



水一作樓。香塘黑蒲森森。鴛鴦瀾瀾如家禽。前村後壘桑柘深。東鄰西舍無相侵。蠶娘洗蠶前溪淥。牧童吹笛和衣浴。山翁畱我宿又宿。笑指西坡瓜豆熟。

春晚閑居寄陳嵩伯

春霖閉門久。春色聚庭木。一夢辭舊山。四鄰有新哭。菰蒲生白水。風篁擢纖玉。爲憶湖上翁。花時獨冥目。

長持經僧

嘖嘖長夜坐。嘖嘖早起。杉森森不見長。人聲續續如流水。攢金掙玉吐宮嚙。頭低草木手合神鬼。日消三兩黃金爭得止。佛言常持經者可日食三兩金。而槁木朽枝一食而已。傷嗟浮世之人。善事不曾入耳。

茫茫曲

茫茫復茫茫。滿眼皆埃塵。莫言白髮多。莖莖是愁筋。未達苦雕僞。及達多不仁。淺深與高低。盡能生棘榛。茫茫四大愁殺人。

古鏡詞上劉侍郎

至寶不自寶。照古還照今。仙人手胼胝。寥泝秋沈沈。不是十二面。不是百煉金。若非八彩眉。不可輒照臨。卽歸玉案頭。爲君整冠簪。卽居吾君手。照出天下心。恭聞太宗朝。此鏡當宸襟。六合懸清光。萬里無塵侵。此鏡今又出。天地還得一。

送姜道士歸南岳

缺二字

松品落落。雪格索索。眼有三角。頭峭五岳。若不居岳。此處難著。藥僮貌蠻。名鄙彼。葫蘆酒滿。擔劣起萬里。長風嘯一聲。九貞須拍黃金几。落葉蕭蕭。□杳□。送師言了。意未了。意未了。他時爲我致取一部音聲鳥。

了仙謠

海中紫霧蓬萊島。安期于喬去何早。遊戲多騎白騏驎。鬚髮如銀未曾老。亦畱仙訣在人閒。齧鏃終言藥非道。始皇不得此深旨。遠遣徐福生憂惱。紫朮黃精心上苗。大還小還行中寶。若師方術棄心師。浪似雪山何處討。



禪月集卷二

循吏曲上王使君

需宿需宿。炳爛光合。蒸蒸黎民。鍾此多福。自東自西。自南自北。伊飛伊走。乳乳良牧。和氣無形。春光自成。大信不信。貽厥無朕。需女需女。爾亦須語。使君爲理。玄風震古。需女需女。爾亦須語。我願喙長三千里。枕著玉階奏明主。

古鏡詞

我有一面鏡。新磨似秋月。上唯金膏香。下狀驪龍窟。等閑不欲開。醜者多不悅。或問幾千年。軒轅手中物。

懷張爲周朴

張周二夫子。詩好人太癡。更不過嶺來。如今頭盡白。人傳禹力不到處。河聲流向西。周又到處卽閉戶。逢君方展眉。張不知是不是。若是卽大奇。我又聞二公。心與人不同。一生常在寂寞中。有時狂吟入僧宅。錦囊烏啼荔枝紅。有時冥搜海山腦。珊瑚枝動日杲杲。聖君在上知不知。赤面濁醪許多好。

題弘顛三藏院

儀清態淡雕瓊瓊。捲簾瀟灑無塵埃。嶽茶如乳庭花開。信心弟子時時來。灌頂壇嚴伸福塞。三十年功苦拘束。梵僧夢裏授微言。雪嶺白牛力深得。師曾受神僧真言於夢中水精一索香一爐。紅蓮花舌生醍醐。初聽喉音寶樓

閣如聞魔王宮殿拉。一作掠。金瓦落次聽妙音。大隨求更覺人閒萬事深悠悠。四音俱作清且柔。愛河濁浪卻倒流。卻倒流兮無處去。碧海含空日初曙。

古意代友人投所知

青松雖有花。有花不如無。貧井泉雖清。且無金轆轤。客從遠方來。遺我古銅鏡。挂之玉堂上。如對軒轅聖。天龍睡坤腹。土蝕金鬣綠。因知燕趙佳人顏似玉。不得此鏡終不缺一字。

聞知己入翰林

天驥頭似鳥。儵忽四天下。南金色如椹。入火不見火。吾交二名士。遽立于帝左。鳳姿既出世。天意囑在我。奇哉子淵頌。無可無不可。

上裴大夫二首

我有一端綺。花彩鸞鳳羣。佳人金錯刀。何以裁此文。我有白雲琴。樸斲天地精。俚耳不使聞。慮同衆樂聽。指指法仙法。應作指。聲聲聖人聲。一彈四時和。再彈中古清。庭前梧桐枝。颯颯南風生。還希師曠懷。見我心不輕。

上劉商州

周邵吁噓氣。結爲禎祥雲。客從遠方來。持此將贈君。時命偶不謬。授館終南東。愔愔良吏師。不寐如老農。丘軻文之天。代天有餘功。代天復代天。后稷何所從。

閑居擬齊梁四首

夜雨山草滋。爽賴生古木。閑吟竹仙偈。清於嚼金玉。蟋蟀啼壞牆。苟免悲局促。道人優曇花。迢迢遠山綠。果熟無低枝。芳香入屏帷。故人久不來。萱草何離離。苦吟齋貌減。更被杉風吹。獨賴湖上翁。時爲烹露葵。紅藕暎嘉鮪。澄池照孤坐。池痕放文彩。雨氣增慵惰。山翁寄朮藥。幸得秋病可。終召十七人。雲中備香火。清氣生滄洲。殘雲落林藪。放鶴久不歸。不知更歸否。支策到江湄。江皋木葉飛。自憐爲客遠。還如鵲遶枝。南枝復北枝。玉露沾毛衣。

塞上曲二首

錦袷胡兒黑如漆。騎羊上冰如箭疾。蒲萄酒白雕腊紅。苜蓿根甜沙鼠出。單于右臂何須斷。天子昭昭本如日。一握鬢髻一握絲。須知只爲平戎術。

去年轉鬪陰山脚。生得單于卻放卻。今年深入于不毛。胡兵拔帳遺弓刀。男兒須一作貴展平生志。爲國輸忠合天地。甲穿雖一作則卽失黃金。劍缺猶能生紫氣。塞草萋萋兵士苦。胡虜如今勿胡虜。封侯十萬始無心。玉關一作生凱入君看取。

擬齊梁體寄馮使君三首

庭鳥多好音。相呼灌木中。竹房更何有。還如鳥巢空。賴逢富人侯。真東晉謝公。煌煌發令姿。珂珮鳴丁冬。故山有深霞。未如旌旗紅。慚非衛霍松。何以當清風。

露益蟬聲長。蕙蘭垂紫帶。清吟待明月。孤雲忽爲蓋。伊余石林人。本是燒畬輩。頻接謝公棊。輸多未曾賽。大道貴無心。聖賢爲始慕。秋空共澄潔。美玉同貞素。偉哉桐江守。雌黃出金口。爲文能廢興。談道弭空有。雪林槁枯者。坐石聽亦久。還疑紫磨身。成居靈運後。

書匡山老僧菴

篋管紅實好鳥語。銀髯瘦僧貌如祖。香煙濛濛衣上聚。冥心縹緲一作涉入鐵圍。白麝作夢枕。藤屨東峯山。媪貢瓜乳。

讀顧況歌行

雪泥露金冰滴瓦。楓檉火著僧留坐。忽覩逋翁況別號一軸歌。始覺詩魔辜負我。花飛飛。雪霏霏。三珠樹曉珠纍纍。妖狐爬出西子骨。雷車拶破織女機。憶昔鄱陽寺中見。一碣逋翁詞兮逋翁札。庚翼未伏王右軍。李白不知誰擬殺。別別若非仙眼應難別。不可說。不可說。離亂亂離應打折。

冬末病中作二首

冬風吹草木。亦吹我病根。故人久不來。冷落如丘園。聃龍與摩詰。吁歎非不聞。顧惟年少時。未合多憂勸。風鐘遠孤枕。雪水流凍痕。空餘微妙心。期空靜者論。

胸中有一物。旅拒復攻擊。向下還上來。唯疑是肺石。山童頑且小。用之復何益。教洗煮茶鑪。雪團打鄰壁。宛轉無好姿。裴回更何適。庭前早梅樹。坐見花盡碧。屋老多鼠窠。窗卑一本缺露山脊。近來胸中物。已似輸。

藥力微吟復微吟。依稀似莊鳥。

遇葉進士

文章擬真宰。儀冠冷如壁。山寺偶相逢。眼青勝山色。氣隆多慷慨。語澹無他力。金繩殘果落。竹閣涼雨滴。自媿龍鍾人。見此冲天翼。

寄杜使君

清辰捲珠簾。盥漱香滿室。杉松經雪後。別有精彩出。琅函芙蓉書。開之向階日。好鳥常解來。孤雲偶相失。有時作章句。氣概還鮮逸。茫茫世情世。誰人愛真實。清高慕玄度。宴默攀道一。殘磬隔風林。微陽解冰筆。亦知休明代。諒無經濟術。門前九箇峯。終擬爲文乞。

寄高員外

冷冽蒼黃風似劈。雪骨冰筋滿瑤席。庭松流汗相抵嗅。霜絮重裘火無力。孤峯地鑪燒白櫃。龐眉道者應相憶。儵忽維陽歲云暮。寂寥不覺成章句。惟應將寄藥珠宮。一作人禪刹雲深一來否。

書陳處士屋壁二首

有叟傲堯日。髮白肌膚紅。妻子亦讀書。種蘭清溪東。處士有種蘭篇白雲有奇色。紫桂含天風。卽應迎鶴書。肯羨

於洞洪。

高步前山前。高歌北山北。數載賣甘橙。山背近云足。新詩不將出。往往僧乞得。唯云李太白。亦是偷桃賊。



吟狂鬼神走。酒醞天地長。青芻生塔除。攝之束成束。

對月作

今人看此月。古人看此月。如何古人心。難向今人說。古人求祿以及親。及親如之何。忠孝爲朱輪。今人求祿唯庇身。庇身如之何。惡木多斜文。斜文復斜文。顛望何紛紛。

山茶花

風裁日染開仙圃。百花色死猩血謬。今朝一朵墮塔前。應有看人怨孫秀。

上孫使君

三十九句  
缺一字

聖主得賢臣。天地方交泰。恭惟嶽精粹。多出於昭代。君侯握文鏡。獨立塵埃外。王演俗容儀。崔陵小風概。馨香擁蘭雪。峻秀高嵩岱。嵇松領歲寒。莊劍無躡淬。威稜玉霜直。匠石金槌大。詩穿明月珠。道拍安期背。中興鸞鳳集。直道風雲會。萬卷似無書。三山如歷塊。德乎天所縱。清矣誰堪對。有法在朝端。無塵到冠蓋。具瞻從密勿。旦夕調鼎鼐。爲君整衢尊。爲君戢蕃塞。豈知吾后意。憂此毗陵最。親手賜彤弓。蒼生是繫賴。下車鄰寇散。是物冰壺內。龔遂喪廉平。次公太繁碎。袴襦砧動地。父母歌闌闌。雪鑠戈鋌。非煙遶旌旆。寧思子產冰。肯羨任棠薤。忽如春再來。不獨天重戴。昂藏海嶠鶴。冷碧仙庭檜。物物動和氣。家家有新態。芙蓉開畹幕。錦帳無纖縷。鼓角穿凍雲。恩波動耕耒。奸回改精魄。禮教書紳帶。必于堯舜日。還似房杜輩。野人有章句。格力亦慷慨。若不入丘門。世閒更誰愛。

哭靈一上人

一公何不在。空有遠公名。共說岑山路。今時不可行。舊房松更老。新塔草初生。經論傳緇侶。文章遍墨卿。禪林枝幹折。法宇棟梁傾。誰俊脩僧史。應知傳已成。

行路難

君不見山高海深人不測。古往今來轉青碧。淺近輕浮莫與交。地卑只解生荆棘。誰道黃金如糞土。張耳陳餘斷消息。行路難。行路難。君自看。

不會當時

一作初

作天地。剛有多般愚與智。到頭還用真孝心。何如上下皆清氣。大道冥冥不知處。那堪頓

得義和轡。義不義兮仁不仁。擬學長生更容易。負心

一作新

爲鑪復爲火。緣木求魚應且止。君不見燒金煉

石古帝王。鬼火熒熒白楊裏。

君不見道傍廢井生古木。本有驕奢貴人屋。幾度美人照影來。素綆銀鉞濯纖玉。雲飛雨散今如此。繡闥雕臺作荒谷。沸渭笙歌君莫誇。不應常一作長是西家哭。休說遺編行者幾。至竟終須合天理。敗他成此亦

何功。蘇張終作多言鬼。行路難。行路難。不在羊腸裏。

九有茫茫共堯日。浪死虛生亦非一。清淨玄音竟不聞。花眼酒腸暗如漆。或偶因片言隻字登第光。二親又不能獻可替否航要津。口譚羲軒與周孔。履行不及屠沽人。行路難。行路難。日暮途遠空悲歎。

君不見道傍樹有寄生枝。青青鬱鬱同榮衰。無情之物尙如此。爲人不及還堪悲。父歸墳兮未朝一作期夕。

已分黃金爭田宅。高堂老母頭似霜。一作雪。心作數支一作枝。淚常滴。我聞忽如負芒刺。不獨爲君空歎息。古  
人尺布猶可縫。潯陽義犬一作夫。令人憶。寄言世上爲人子。孝義團圓莫如此。若如此。不遑死兮更何俟。

泊秋江

岸如洞庭山似剡。船漾清溪涼勝簟。月白風高不得眠。枯葦叢邊釣師斃。

嘲商客

葦蕭蕭。風撼撼。落日江頭何處客。斜倚帆檣不喚人。五湖浪向心中白。

寄王滌

梅月多開戶。衣裳潤欲滴。寂寥雖無形。不是小讐敵。地虛草木壯。兩白桃李赤。永日無人來。庭花苦狼籍。  
吟高好鳥覩。風靜茶煙直。唯思菜子來。衣拖五般色。

上馮使君五首

撐船碧江上。春日何遲遲。汀花最深處。拾得鴛鴦兒。  
漁父無憂苦。水仙亦何別。眠在綠葦邊。不知釣筒發。  
樵叟無憂苦。地仙亦何別。茆屋岸花中。弄孫頭似雪。  
扣舷得新詩。茶煮桃花水。辟辟數片帆。去去殊未已。  
仁政無不及。乳獺將子行。誰家苦竹林。中有讀書聲。

擬字 一本無  
君子有所思二首

我愛正考甫思賢作商頌。我愛揚子雲理亂皆如鳳。振衣中夜起。露花香旖旎。撲碎驪龍明月珠。敲出鳳皇五色髓。陋巷蕭蕭風枿枿。一作浙浙緬想斯人勝珪璧。寂寥千載不相逢。無限區區盡虛擲。君不見沈約道。

佳人不在茲。春光爲誰惜。

安得龍猛筆。點石爲黃金。

西嶽龍猛大士於硯中磨藥。點筆成金。西天有龍猛。金其色紫。

一作間。一作向。

酷吏家使無貪殘心。甘棠密葉成翠幄。歛

一作

鳳不來天地塞。所工以國傾城人。如今如今不可得。

一作所以傾城。如今不可得。

古塞下曲四首

一本無古字亦無四首二字。第三首另一題。

古塞腥膻地。胡兵聚如蠅。寒鷗中靜石。落在黃河冰。蒼茫遡遡城。枿枿賊氣興。鑄金禱秋穹。還擬相憑陵。  
戰一作骨踐成一作塵。飛入征人目。黃雲一作忽變黑。戰鬼作陣一作夜。哭陰風。吼大漠。火號出不得。誰爲

天子前。唱此邊城曲。

日向平沙出。還向平沙沒。飛蓬落軍陣。

一作

營驚鷗去天末。帝鄉青樓倚霄漢。歌吹掀天對花月。豈知塞上

望鄉人。日日雙眸滴清血。

狼煙在陣雲。匈奴愛輕敵。領兵不知數。牛羊復吞磧。嚴冬大河枯。嫖姚去深擊。戰血染黃沙。風吹暎天赤。

鼓腹曲

我昔不幸兮遭百罹。蒼蒼留我兮到好時。耳聞鐘鼓兮生豐肌。白髮卻黑兮自不知。東鄰老人好吹笛。倉圍義義穀多赤。餅紅鰕兮拊麋腊。有酒如濁醪兮呼我喫。往往醉倒潢洿之水邊兮。人盡識。孰云六五帝兮。四三皇。如夔如龍兮。如龔如黃。吾不知此之言兮。是何之言兮。

經曠禪師院

吾師楞伽山中人。氣岸古淡僧麒麟。曹溪老兄一與語。金玉聲利泥棄唾。兀兀如頑雲。驪珠兮固難價。其價靈芝兮。何以根其根。真貌枯槁言樸略。衲衣爛黑燒嶽痕。憶昔十四五年前。苦寒節。禮師問師楞伽月。此時師握玉麈尾。報我卻云非日月。一敲粉碎狂性歇。庭松無韻冷撼骨。搔窗擦簷數枝雪。邇來流浪于吳越。一片閑雲空皎潔。再來尋師已蟬蛻。蘆蔔枝枯醴泉竭。水檀香火遺影在。甘露松枝月中折。師去世有甘露降于庭松。寶師往日真隱心。今日不能墮雙血。

邊上作三

一作一本缺  
二首  
第三首

山無綠兮水無清。風既毒兮沙亦腥。胡兒走馬疾飛鳥。聯翻射落雲中聲。陣雲忽向沙中起。探得胡兵過遼水。堪嗟護塞征戍兒。未戰已疑身是鬼。見說青塚穴。中有白野狐。時時出沙磧。向東而號呼。號呼復號呼。畫師圖得無。

送張拾遺赴施州司戶

道之大道古太古。二字爲名爭莽鹵。社稷安危在直言。須歷堯堦搥諫鼓。恭聞吾皇至聖深無比。推席卻

几聽至理一言偶未合。堯聰賈生須看湘江水。君不見頃者百官排闥赴延英。陽城不死存令名。又不見仲尼遙奇司馬子。珮玉垂紳合如此。公乎公乎施之掾。江上春風喜相見。畏天之命復行行。芙蓉爲衣勝絁絹。好音入耳應非久。三峽聞猿莫迴首。且啜千年羹。醉巴酒。

書倪氏屋壁三首

茶烹綠乳花暎簾。擗沙苦荀銀織織。窗中山色青翠粘。主人於我情無厭。白桑紅椹鶯咽咽。麵揉玉塵餅挑雪。將爲數日已一月。主人於我特地切。水嬌草媚掩山路。睡槎鴛鴦如畫作。春光靄靄忽已暮。主人剛地不放手。

續姚梁公坐右銘 并序

愚嘗覽白太保所作續崔子玉座右銘一首。其詞旨乃典乃文。再懇再切。實可警策未悟。貽厥將來。又見姚崇、卜闡、張說、李邕皆有斯文。尤爲奧妙。其于束勗婉婉。乃千古之鑒戒資腴矣。愚竊愛其文。惟恨世人不能行之十得其二。一日抽毫。遂作續白氏之續命曰續姚梁公座右銘一首。雖文經理緯不逮於羣公。而亦可書於屋壁云。

善爲爾諸身。行爲爾性命。禍福必可轉。莫懲言前定。見人之得。如己之得。則美無不克。見人之失。如己之失。是亨貞吉。反此之徒。天鬼必誅。福先禍始。好殺滅絕。不得不止。守謙寡慾。善善惡惡。不得不作。無見貴熱。諂走鸞鷲。無輕賤微。上下相依。古聖著書。矻矻孳孳。忠孝信行。越食逾衣。生天地閒。未或非假。身危彩

虹景速奔馬。胡不自彊。將升玉堂。胡爲自墜。言虛行僞。豔殃爾壽。須戒酒腐。爾腸須畏。勵志須至。撲滿必破。非莫非於飾非。過莫過於文過。及物陰功。子孫必封。無恃文學。是司奇薄。患隨不忍。害逐無足。一此一彼。諸宮合徵。親仁下問。立節求己。惡木之陰。匪陰盜泉之水。匪水世孚。草草能生幾幾。直須如冰如玉。種桃種李。嫉人之惡。酬恩報義。忽己之慢。成人之美。毋擔虛譽。無背至理。恬和懇暢。沖融終始。天人之行。盡此而已。丁甯丁甯。戴髮含齒。

上盧少卿覓千文

荆山有美玉。含華尙炳爛。堪爲聖君璽。堪爲聖君案。草木潤不彫。煙霞覆不散。野人到山下。仰視星辰畔。倘或如栗黃。保之上霄漢。

謝盧少卿惠千文

廬山有石鏡。高倚無塵垢。晝景分煙蘿。夜魄侵星斗。苞含物象列。搜照魚龍吼。寄謝天地閒。毫端皆我有。

禪月集卷三

大蜀皇帝壽春節進堯銘舜頌二首

堯銘

金冊昭昭。列聖孤標。仲尼有言。巍巍帝堯。承天眷命。罔厭矜驕。四德炎炎。堦奠不凋。永孚於休。垂衣飄飄。吾皇則之。小心翼翼。乘陽亭毒。不遑暇食。土堦苔綠。茅茨雪滴。君既天賦。相亦天錫。德轉金鏡。以聖繼聖。漢高將將。太宗兵柄。吾皇則之。日新德盛。朽索六馬。罔墜厥命。熙熙蓼蕭。塊潤風調。舞擊干羽。罔入芻蕘。既玉其葉。亦金其枝。葉葉枝枝。百工允釐。享國如堯。不疑不疑。

舜頌

高高歷山。有黍有粟。皇皇大舜。合堯玄德。五典克從。四門伊穆。大道將行。天下爲公。臨下有赫。選賢用能。吾皇則之。無斃無逸。綏厥品彙。光光得一。千幅臨頂。十在隨蹕。大哉大同。爲光爲龍。吾皇則之。聖謀隆隆。納隍孜孜。孜孜切切。六宗是禋。五瑞斯列。排麟環鳳。披香立雪。四夷納贖。九圍一作有截。昔救世師。降生竺乾。壽春亦然。萬年萬年。

大蜀高祖潛龍日獻陳情偈頌

有叟有叟。居岳之室。忽振金湯。下彼巉岬。聞蜀風景。地寧得一。富人侯王。旦爽摩詰。龍角日角。紫氣盤屈。



揭日月行符湯禹出。天步孔艱橫流犯蹕。穆穆蜀俗。整整師律。髯髮垂雪。忠貞貫日。四人蘇活。萬里豐謐。無雨不膏。有露皆滴。有叟有叟。無實行實。一瓶一衲。既朴且質。幸蒙顧盼。詞煖恩鬱。軒鏡光中。願如善吉。

寄大願和尚

注內缺三字

道朗居太山。達磨住熊耳。手擎清涼月。靈光溢天地。盡騎金師子。去世久已矣。吾師隱廬岳。外念全剝削。

擲孔聖之日月。相空王之囊籥。曾升麟德殿。譚無著。賜衣三銖讓不著。太平喪相公與師詩云。竟辭聖主宮中詔來赴遺民社內期。唯思紅泉

白石閣。因隨褰楷離京索。時喪公出守鍾陵與師同行。邇來便止於匡霍。瀑布千尋噴冷煙。旃檀一枝翹瘦鶴。峴首故人

清信在。千書萬書取不諾。喪公鎮襄陽。頻使迎取師堅不往。微人昔為門下人。扣玄佩惠無邊垠。自憐亦是師子子。未逾三

載能嘯呻。江西三載誦法華經。一從散席歸寧後。溪寺更有誰相親。青山古木入白浪。赤松道士為東鄰。焚香西望情

何極。不及曇詵淚空滴。說遠公弟子常在左右。桐江太守社中人。還送鄒超米千石。昔鄒鑿送米入山與道安。寶書遽掩脩章句。萬里

空函亦何益。終須一替辟地人。未解融神出空寂。匡山神為遠公侍者。辟地人大師曾。審不知何緣得相見。惟冲融無相而會耳。

上顧大夫

碧海漾仙洲。驪珠外無寶。一岳倚青冥。羣山盡如草。君侯聖朝瑞。動只關玄造。誰云倚天劍。含霜在懷抱。誰云青雲險。門前是平道。洪民亦何幸。里巷清如掃。至化無經綸。至神無祝禱。即應炳文柄。孤平去浩浩。

卽應調鼎味。比屋堪封保。野人慕正化。來自海邊島。經傳髻裏珠。詩學池中藻。閉門十餘載。庭杉共枯槁。今朝投至鑒。得不傾肝腦。斯文如未精。歸山更探討。

寒月送玄

一本有道字

士入天台

之子逍遙塵世薄。格淡於雲語如鶴。相見唯淡海上山。碧側青斜冷相杳。芒鞋竹杖寒凍時。玉霄忽去非有期。僮擔赤籠密雪裏。世人一作無人留得之。想入紅霞路深邃。孤峰縱嘯仙颺起。星精聚觀泣海鬼。月湧薄煙花點水。送君丁寧有深旨。好尋佛窟遊銀地。佛窟銀地皆天台雲境也雪眉衲僧皆正氣。伊昔貞白先生同此意。若得神聖之藥。卽莫忘遠相寄。

上杜使君

爲魚須處海。爲木須在岳。一登君子堂。頓覺心寥廓。右聽青女鏡。左聽宣尼鐸。政術似蒲盧。詩情出沖漠。從來苦清苦。近更加澹薄。訟庭何所有一隻兩隻鶴。煙霞色擁牆。禾黍香侵郭。嚴霜與美雨。皆從二天落。蒼生苦瘡痍。如何盡消削。聖君新雨露。更作誰恩渥。卽捉五色筆。密勿金鑾角。卽同房杜手。把乾坤橐籥。休說卜圭峰。開門對林壑。

送僧入馬頭山

馬頭寶峰。秀塞寒空。有叟有叟。真隱其中。無味醍醐。亦非般若。白趾碧目。數百瀟灑。苦竹大於杉。白熊臥如馬。金鍾撼壑。布水噴瓦。芙蓉堂開峰。月入岳精踏雪。立屋下。伊余解攀緣。已是非常者。更有叟獨往來。

與我語。情無剛彊。氣透今古。竹筇援補。芒鞋藤乳。北風倒人。乾雪不聚。滿頭霜雪。湯雪去。湯雪去。無人及。空望真氣江上立。

上盧使君 第二十四句缺一字

夔龍在廟堂。雖然有僉議。蒼生得父母。自是天之意。鄱陽氣候正。文物皆鮮媚。金鏡有餘光。春風少閑地。膺門倚寒碧。到者寧容易。賓從皆鳳毛。爪牙悉猿臂。樓臺千萬戶。錦繡龍歌沸。大惠蟲鳥全。至嚴龍虎畏。可憐召伯樹。婆娑不勝翠。詩搜日月華。道嘯神仙味。嘉樹白雀來。祥煙甘露墜。中川一帶香。口開幽邃地。逸少情有餘。東山境不啻。恭聞聖天子。廊廟猶虛位。應知黎庶心。只恐徵書至。

送顥雅禪師

霜鋒礮石鳥雀聚。帆凍陰飈吹不舉。芬陀利香釋麟虎。幡幢冒雪爭迎取。春光主。芙蓉堂窄堆花乳。手提金桴打金鼓。天花娉婷下如雨。狻猊座上師子語。苦卻樂。樂卻苦。盧至黃金忽如土。

和楊使君遊赤松山

爲郡三星無一事。龔黃意外扳喬松。日邊揚歷不爭路。雲外苔蘚須留蹤。溪月未落漏滴滴。隼旟已入山重重。捫蘿蓋轡山屐伴。駐旆不見朝霞濃。乳猿劇點掛險樹。露木翠脆生諸峰。初平謝公道非遠。黯然物外心相逢。石羊依稀斲瑤草。桃花彷彿開仙宮。終當歸補吾君衮。好山好水那相容。

送崔使君

缺二字

柳門柳門。芳草芊綿。曰日曰日。黯然黯然。子牟戀闕歸闕。王粲下樓相別。食實得地。顏淹歲月。今朝天子在上。合雪必雪。況絳之牧。文行炳潔。釋謂緣因。久昵清塵。王嘉迎安。遠狎遺民。媿彼二子。厥或相似。論文不文。話道無滓。士有貴逼。勢不可遏。麟步規矩。鳳翥昂枿。峴首仁蹤。項頻跋。商雲乳麝。香可撮。望塵□□。連紫闕。吾皇必用。整乾坤。莫忘江頭白頭達。白頭達事見高僧傳。

杜侯行并序

愚自江東兵荒之後。受杜氏兄弟深知。往曾見陳陶與撫州蔡京使君雜言曰。蔡氏行。今亦擬之。曰杜侯行云耳。

天目連天搏秀氣。崢嶸作起新城地。德門鍾秀光盛時。三虎八龍皆世瑞。頃者天厖亂下鯨翻海。烽火崩騰照行在。江表唯傳君子營。劍衝牛斗疏真宰。金昆玉季輕三鼓。煮海懸魚臣節苦。鴈影參差入瑞煙。荆花燦爛開仙圃。我聞大中咸通真令主。相惟大杜兼小杜。但能致君活國濟生人。亦何必須踏金梯折桂樹。宣宗懿宗調舜琴。大杜小杜爲殷霖。出將入相兮功德深。生人受賜兮直至今。杜侯兄弟繼之後。璞玉渾金美騰口。常言一呼百萬何足云。終取封侯之印大如斗。恭聞吾皇似堯禹。搜索賢良皆而覩。杜侯杜侯君儻脩令德。克有終卽必還爲大杜兼小杜。人之戴兮天筆註。國之福兮天固祚。四海無波八表臣。如今而後君看取。

偶作五首

誰信心火多。多能焚大國。誰信鬢上絲。莖莖出蠶腹。嘗聞養蠶婦。未曉上桑樹。下樹畏蠶飢。兒啼亦不顧。一春膏血盡。豈止應王賦。如何酷吏酷。盡爲搜將去。

蠶蛾爲蝶飛。僞葉空滿枝。冤梭與恨機。一見一霑衣。機生機。巧生巧。心鑊烘烘日煎炒。闔蜀眉嚙遊海島。扶桑樞熟金烏飽。金烏飽。飛復飛。四天下人眼胎胎。

孰云我輕薄。石頭如何喚非玉。孰云我是非。隨邪逐惡又爭得。古人終不事悠悠。一言道合死卽休。豈不見大鵬點翼蓋十洲。是何之物鳴啾啾。

君子食卽食。何必在珍華。小人食不食。縱食如泥沙。清歌且莫唱。妙舞亦休誇。爾非鳳炙麒麟肉。焉能一掛於齒牙。去來去來歸去來。紅泉正灑芙蓉霞。

君不見金陵風臺月榭煙霞光。如今五里十里野火燒茫茫。君不見西施綠珠顏色可傾國。樂極悲來留不得。君不見漢王力盡得乾坤。如何秋雨灑廟門。銅臺老樹作精魅。金谷野狐多子孫。幾許繁華幾更改。唯有堯舜周召丘軻似長在。坐看樓閣成丘墟。莫話桑田變成海。吾有清涼雪山雪。天上人間常皎潔。茫茫慾火欲燒人。惆悵無因爲君說。

山中作

山爲水精宮。藉花無塵埃。吟狂岳似動。筆落天瓊瓊。伊余自樂道。不論才不才。有時鬼笑兩三聲。疑是大謝小謝李白來。

聞前王使君在澤潞居

爲善無近名。竊名者得聲不如心。誠哉是言也。使君聖朝瑞。乾符初刺婺。德變人性靈。筆變人風土。煙霞與蟲鳥。和氣將美雨。千里與萬里。各各來相附。信哉有良吏。玄譏應百數。

東陽古者相傳有記云。刺史滿一百卽有好刺史來。後有大寇至。使君來。正當

一百人。兩年後。果有黃賊來。公避地遠去。

古人。古人自古人。今日又見民歌六七袴。不幸大寇崩騰來。孤城勢孤固難鋼。攀轅旣不

及。旌旆衝風露。大駕已西幸。飄零何處去。婺人空悲哀。對生祠泣沾莓苔。忽聞暫寄河之北。兵強四面無塵埃。唯祝鑾輿早歸來。用此咎繇仲虺才。使四野霧廓。八紘鏡開。皇天無親。長與善鄰。宜哉宜哉。

將入匡山別芳畫二公二首

一作將入廬山別僧。

噴嵐堆黛塞寒碧。窗前古雪如白石。臨歧約我來不來。若來須撥紅霞覓。

紅豆樹一作花。閒滴紅雨。戀師不得依師住。世情世界愁殺人。錦繡谷中歸舍去。

送楊秀才

北山峨峨香拂拂。翠漲青奔勢巉崿。赤松君宅在其中。紫金爲牆珠作室。玻璃門外仙獺睡。幢節森森絳煙密。水精簾捲桃花開。文錦娉婷衆非一。撫長離。坎荅鼓。花姑吹簫。弄玉起舞。三萬八千爲半日。海涸鼈枯等閑覩。愛共安期碁。苦識彭祖祖。有時朝玉京。紅雲擁金虎。石橋亦是神仙住。一作柱。白鳳飛來又飛去。

五雲縹緲羽翼高。世人仰望心空勞。

別杜將軍

伊余本是胡爲者。採蕈鋤茶在窮野。偶披蓑笠事空王。餘力爲文擬何謝。少年心在青雲端。知音滿地皆龍鸞。遽逢天步艱難日。深藏溪谷空長歎。偶出重圍遇英哲。留我江樓經歲月。身隈玉帳香滿衣。夢歷金盆金華山最高處。雨和雪。東風來兮歌式微。深雲道人召來歸。燕辭大廈兮將何爲。濃濃花雨兮鶯飛飛。一汀楊柳同依依。

送夢上人歸京

伊余龍鍾歸海涯。千山萬水情自怡。夢公別我還上國。江邊慘執行遲遲。向我道雲中覓伴未得伴。又示我數首新詩。盡是詩。只恐不如此。若如此。如此卽須天子知。蕭蕭金吹荆門口。槐菊鬪黃落葉走。前程勝事未可涯。但恐圭峰難入手。蓮峰掌記韓拾遺。鴈行雍穆世所稀。二十年前卽別離。憑師一話吟朝飢。

問岳禪師疾

世病如山岳。世醫皆拱手。道病如金鎖。師遭鎖鎖否。大塵爲世病。無爲無事。爲道病。如金鎖。伊昔芙蓉頰。談經似主涉。蘇合晝氳。天花似飛蝶。覺樹垂實。魔輩刺疾。病也不問。終不斲。嗒。師常坐不臥也。春光冉冉。不上爾質。東風浩浩。謾入爾

室云何斯人而有斯疾。

上荆南府主三讓德政碑

明明赫赫中興主。動納諸隍冠前古。四海英雄盡戢兵。皆如圮圮一作砭砭。天金柱。萬姓多論政與德。請樹豐碑似山岳。一從寇滅二十年。琬琰雕鐫賜重疊。荊州化風何卓異。寡欲無爲合天地。雖立貞碑與衆殊。字字皆是吾皇意。君侯捧碑西拜泣。臣且何人恩游及。鳳皇一作詔。銜下雕龍文。德昧政虛爭敢立。函封三奏心匍匐。堅讓此碑聲蓋國。我恐江淹五色筆。作不立此碑之碑文不得。

施萬病丸

我聞昔有海上翁。鬚眉皎白塵土中。葫蘆盛藥行如風。病者與藥皆惺惚。藥王藥上親兄弟。救人急於已諸體。玉毫調御偏讚揚。金輪釋梵咸歸禮。賢守運心亦相似。不吝親親拘子子。曾聞古德有深言。由來大士皆如此。

甘雨應祈

春雨偶愆期。草木亦未覺。君侯不遑處。退食或閉閣。東海浪滔滔。西江波漠漠。得不願身爲大虬。金其角。玉其甲。一吸再嚼。雲平霧匝。華暢九有。清傾六合。使不蘇者蘇。不足者足。情通上玄。如膏綿綿。有叟有叟。鼓腹歌於道邊。歌曰。麥苗芃芃兮。鷓鴣飛。日出而作兮。日入歸。如彼草木兮。雨露肥。古人三樂兮。我樂多之。天之成兮。地之平兮。柘系黃兮。瓠葉青兮。乳女啼兮。蒸黍馨兮。炙背捫蝨兮。復何經營兮。



寄韓團練

眞宰動洪鑪。萬物皆消息。唯有三珠樹。不用東風力。君子天廟器。頭骨何嶮削。海內久聞名。江西偶相識。誰不有詩機。麟龍不解織。誰不有心地。蘭茝不曾植。多君二俱作。獨立千仞壁。話道出先天。憑師動鑿一作標。極。青霄鴈行律。紅露荊花滴。偶然成遠別。別後長相憶。行至鄱陽郡。又見謝安石。留我遇殘冬。身心苦恬寂。江上春又至。引頸山空積。何日再相逢。天香滿瑤席。

春野作五首

閑步淺青平綠。流水征車自逐。誰家挾彈少年。擬打紅衣啄木。

山花雨打盡。滿地如爛錦。遠尋鷓鴣雛。拾得一團葷。

大牛苦耕田。乳犢望似泣。萬事皆天意。綠草頭叢叢。

斜陽射破冢。燭燼半出地。不知誰氏子。猶自作意氣。

牛兒小。牛女少。拋牛沙上鬪百草。鉏隴老人又太老。薄煙漠漠覆桑棗。戴嵩醉後取次掃。

深山逢老僧二首

衲衣線麤心似月。自把短鋤鋤槽枥。青石溪邊踏葉行。數片雲隨兩眉雪。山童貌頑名乞乞。放火燒畚采崖蜜。擔頭何物帶山香。一籬白葷一籬栗。

道情偈

草木亦有性。與我將不別。我若似草木。成道無時節。世人不會道。向道卻嘆道。傷嗟此輩人。寶山不得寶。

懷二三朝友

傷心復傷心。流光似飛電。有惠驪龍十斛珠。不如一見君子面。愁人復愁人。滿眼皆埃塵。有惠黃金一萬斤。不如一見於仁人。我昔讀詩書。如今盡拋也。只記得田叔孟溫舒。帝王滿口呼長者。

偶作

君子稱一善。馨香遍九垓。小人妒一善。處處生嫌猜。口加暴死人。鐵尺拘不開。稂莠蝕田髓。積陰成冬雷。因知咋舌人。千古空悠哉。

義士行

先生先生不可遇。愛平不平眉斗豎。黃昏雨雹空似鬣。別我不知何處去。

觀懷素

一本有上人二首

草書歌

張顛顛後顛非顛。直至懷素之顛始。是顛師不譚經。不說禪。筋力唯於草書朽。一作妙顛狂卻恐是神仙。有神助兮人一作神。莫及鐵石畫兮墨須入。金尊竹葉數斗餘。半斜一作飲半傾山衲溼。醉來把筆擲。一作猛如虎粉壁素屏不問主。亂拏亂抹無規矩。羅刹石上坐伍子。背崩通八字立對漢高祖。勢崩騰兮不可止。天機暗轉鋒鏑裏。閃電光邊霹靂飛。古栢身中淠。一作早龍死。駭人心兮目眈。音音頓人足兮神辟易。乍如沙場大戰。一作戰敗後。斷槍檄箭。一作斷駭折骨皆一作何狼籍。又似深山朽。一作怪石上古病松枝掛鐵錫。月兔筆。天竈墨。

斜鑿黃金側剉玉。珊瑚枝長大束。一作如。東天馬驕憐不可勒。東卻西南又北。倒又一作還。起斷復續。忽如鄂

公喝。一作捉。住單雄信。秦王肩上剝搭。一作搭。著棗木槩。懷素師。懷素師。若不是星辰降瑞。卽必是河岳孕靈。固

宜須冷令。一作令。笑逸少。爭得不心醉伯英。天台古杉一千尺。崖崩剝岸。一作岸。折何崢嶸。或細微仙衣半折。一作縫綻。

金線垂。或妍媚桃花半紅。公子醉。我恐山爲墨。今磨海水。天與筆。今書大地。一作海爲水。天爲筆。今書大地。乃能略展狂僧

意。常恨與師不相識。一見此書空歎息。伊昔張渭。一作謂。任華葉季良。數子贈歌豈虛飾。所不足者渾未曾

道著其神力。石橋被燒燒。一作却。良玉土不一作不土。蝕。錐畫沙。今印印泥。世人世人爭得測。知師雄名在世間。

明月清風有何極。

送盧舍人三首

一曰勸君不用登峴首。山讀羊祜碑。男兒事業須白奇。此碑山頭如日月。日日照人人不知。人不知。青山白雲徒爾爲。

二曰勸君登商山。不用覓商山皓。雲深雪深驃馬倒。我願終南太華變爲金。吾后見之不爲寶。我願九州

四海紙幅。幅與君爲諫草。使躡高踐夔。逢軒見皞。日環五色。是物得老。如此卽商山皓。商山皓。君不用討

他。他必來相討。

三曰君不見釋梵諸天壽億垓。天上人閒去復來。君又不見紫金爲輪一千幅。寶州□四皆臣伏。輪王釋

梵作何因。祇是弘隆大乘福。自古皇王與賢哲。頂敬心師刻金玉。報通三世釋迦言。莫將梁武爲題目。君不見近代韋襲蔣與蕭。韋處厚相國出入廟堂。禮佛如朝見君父。襲休相國師事空王。信敬無比。出將入相。偏重禪門。蔣相國牆壁空門。爲大檀越。中書藩鎮。常事天王。蕭做相國清德冠世。白業常脩。爲佛骨碑。見行於當世。文房書府師百僚。代天理物映千古。布髮掩泥非一朝。大哉釋梵輪王璞。已矣何人繼先覺。行行珍重寄斯言。斯言不是尋常曲。缺一字。

### 宿深村

行行一宿深村裏。雞犬豐年鬧如市。黃昏見客合家喜。月下取魚戽塘水。

### 黃鶯

一種爲春禽。花中開羽翼。如何此鳥身。便是黃金色。黃金色。若逢竹實終不食。

### 送越將歸會稽

面如玉盤身八尺。燕語清癯戰袍窄。古嶽龍腥一匣霜。江上相逢雙眼碧。冉冉春光方婉婉。黯然別我歸稽嶽。他年必帥邯鄲兒。與我殺輕班定遠。

### 別仙客

巨鼈頭縮翻仙翠。蟠桃爛落珊瑚地。浪濺霓旌溼鵬翅。略別千年太容易。

### 寒江上望

荒岸燒未死。白雲癡不動。極目無人行。浪打取魚籠。

讀唐史

我愛李景伯。內宴執良規。君臣道昭彰。天顏終熙怡。大籟怕清風。糠粃繚亂飛。洪鑪烹五金。黃金終自奇。大哉爲忠臣。捨此何所之。

樵叟

樵父貌飢帶塵土。一作風雨。自言一生苦寒苦。一作暑。擔頭擔箇赤瓷甕。斜陽獨立入。一作入。濛籠塢。

禪月集卷四

春山行

重疊太古色。濛濛花雨時。好峰一作山行恐盡。流水語相隨。黑壤生紅黍一作尤。黃髮領白兒。因思石橋月。曾

與故道一作人期。

送諫官南遷

危行危言者。從天落海涯。如斯為遠客。始是好男兒。瘴雜交州雨。犀揩馬援碑。不知千萬里。誰復識辛毗。

懷香爐峰道人

常思峰頂叟。石窟土為牀。日日先見日。煙霞多異香。冥心同槁木。掃雪帶微陽。終必相尋去。斯人不可忘。

觀李翰林真二首

日角浮紫氣。凜然塵外清。雖稱李太白。知是那星精。御宴千鍾飲。蕃書一筆成。宜哉杜工部。不錯道騎鯨。誰氏子丹青。毫端曲有靈。屹如山忽墮。爽似酒初醒。天馬難攏勒。仙房久閉扃。若非如此輩。何以傲彤庭。

晚泊湘江作一作晚泊湘江懷古

煙浪灩一作濼秋色。高吟似有一作得鄰。一輪湘渚月。萬一作千古獨醒人。岸溼穿花遠。風香禱廟頻。祇應諛佞者。到此不傷神。

淮上逢故人

故園離亂後。十載始逢君。長恨南熏奏。尋常只自聞。荒窗秋見岳。赤地夜生雲。莫歎謀身晚。中興正用文。

讀杜工部集二首

造化拾無遺。唯應杜甫詩。豈非玄域裏。一作奪得古人旗。日月精華薄。山川氣槩卑。古今吟不盡。惆悵不

同時。

甫也道亦喪。孤身出蜀城。彩毫終不灑。白雪更能輕。命薄相如命。名齊李白名。不知未陽令。何以葬先生。

題簡禪師院

機忘室亦空。靜與沃洲同。唯有半庭竹。能生意日風。思山海月上。出定印香終。繼後傳衣者。還須立雪中。

讀劉得仁賈島集二首

二公俱作者。其奈亦迂儒。且有諸峰在。何將一第吁。句還如菡萏。誰復贈襜褕。想得重泉下。依前與衆殊。

役思曾衝尹。多言阻國親。桂枝何所直。陋巷不勝貧。馬病唯一作湯雪。門荒劣有人。伊余吟亦苦。爲爾一

眉嘯。

天台一本無上二字老僧

獨住無人處。松龕嶽色侵。僧中九十臘。雲外一生心。白髮垂不剃。青眸笑轉深。猶能指孤月。爲我暫開襟。

經費隱居舊宅

巉巖玉九株。秀溼掩蒼梧。祥瑞久不出。羲軒消得無。雨和高瀑濁。燒燭大櫺枯。到此思歸去。迢迢隔五湖。

秋末懷舊山

昔住匡廬北。無人知姓名。侵雲收穀粟。引蟻上柑橙。寒雨雪兼落。枯林虎獨行。誰能將白髮。共向此中生。

春過鄱陽湖

百慮片帆下。風波極目看。吳山兼鳥沒。楚色入衣寒。過此愁人處。始知行路難。夕陽沙島上。回首一長歎。

寄僧野和尚

鳥一作外更誰親。諸峰卽四鄰。白頭寒枕石。青衲爛無塵。橡栗堆行徑。猿猴遶定身。儻然重結社。願作掃

壇人。

寄馮使君

端居碧雲暮。好鳥啼紅芳。滿郭桃李熟。捲簾風雨香。清吟繡段句。默念芙蓉章。未得歸山去。頻升謝守堂。

寄紫閣隱者

積翠藏一叟。常思未得遊。不知在巖下。爲復在峰頭。苔上枯藤笮。泉淋破石樓。伊余更何事。不學此翁休。

寄天台道友

大是清虛地。高吟到日晡。水聲金磬亂。雲片玉盤粗。仙有遺蹤在。人還得意無。石碑文不直。壁畫色多枯。冷立千年鶴。閑燒六一爐。松枝垂似物。山勢秀難圖。紫府程非遠。清溪徑不迂。馨香柏上露。皎潔水中珠。



賢聖無他術。圓融只在吾。寄言桐柏子。珍重保之乎。

旅中懷孫路

暮塵微雨收。蟬急楚鄉秋。一片月出海。幾家人上樓。砌香殘果落。汀草宿煙浮。唯有知音者。相思歌白頭。

貽世

至理不誤物。悠悠自不明。黃金燒欲盡。白髮火邊生。苦感神仙謔。難收日月精。捕風兼繫影。信矣不須爭。

覽李秀才卷

香沐整山衣。開君一軸詩。吟當秋景苦。味出雪林遲。經濟幾人到。工夫兩鬢知。因嗟和氏淚。不是等閑垂。

懷方干張爲

冥搜入仙窟。半夜水堂前。吾道祇如此。古人多亦然。螢沈荒塢霧。月苦綠梧蟬。因憶垂綸者。滄浪何處邊。

四皓圖

何人圖四皓。如語話嚶嚶。雙鬢雪相似。是誰年最高。溪苔連豹褥。仙酒汗雲袍。想得忘秦日。伊余亦合逃。

懷白閣道侶

寒思白閣層。石屋兩三僧。斜雪掃不盡。飢猿喚得應。香然一字火。磬過數潭冰。終必相尋去。孤懷久不勝。

讀孟郊集

東野子何之。詩人始見詩。清剗霜雪髓。吟動鬼神司。舉世言多媚。無人師此師。因知吾道後。冷淡亦如斯。

懷四明亮公

孤峰含紫煙。師住此安禪。不下便不一作石下。如斯太可憐。坐侵天井黑。吟久海霞薦。豈覺塵埃裏。干戈已十年。

秋過錢塘江

巨浸東隅極。山吞大野平。因知吳相恨。不盡海濤聲。黑氣騰蛟窟。秋雲入戰城。遊人千萬里。過此白髭生。  
上俞許二判官

近拋蓑笠者。急善遇休明。未省親宗伯。焉能識正聲。病容經夏在。岳夢入秋并。無限林中意。今逢許郭傾。  
懷劉得仁

詩名動帝畿。身謝亦因詩。白日只如哭。皇天得不知。旅墳孤臨岳。羸僕泣如兒。多少求名者。聞之淚盡垂。  
歸故林後寄二三知己

昨別楚江邊。逡巡早數年。詩雖清到後。人更瘦於前。岸翠連喬嶽。汀沙入壤一作壑田。何時重一見。談笑有茶煙。

春寄西山陳陶

搔首復搔首。孤懷草萋萋。春光已滿目。君在西山西。壑水成文去。庭柯擎翠低。所思不可見。黃鳥花中啼。

秋末江行

四顧木落盡。扁舟增所思。雲衝遠燒出。帆轉大荒遲。天際霜雪作。水邊蒿艾衰。斷豸不堪聽。一聽亦同悲。

送人歸新羅

昨夜西風起。送君歸故鄉。積愁窮地角。見日上扶桑。蜃氣生初霽。潮痕匝亂荒。從茲頭各白。魂夢一相望。

思匡山賈

一作寒夜思  
廬山賈生

山兄詩癖甚。寒夜更何爲。覓句唯一作如頑坐。嚴霜打不知。石膏黏木屐。一作履崖蜜一作栗落冰池。近見禪僧說。生涯勝往時。

偶作

十載獨扃扉。唯爲二雅詩。道孤終不雜。頭白更何疑。句冷杉松與。霜嚴鼓角知。脩心對閑鏡。明月印秋池。

贈方干

盛名與高隱。合近謝敷村。弟子已得桂。先生猶灌園。垂綸侵汀介。拾句歷雲根。白日昇天路。如君別有門。

弟子謂  
李頴也

漁父

一葉一竿竹。眉鬚雪欲零。陸應無祖業。香必是伊腥。兒亦名魚鷓。歌稱我一作爾洞庭。回頭深自媿。舊業近滄溟。

題友人山居

卜居鄰塢寺。魂夢又相關。鶴本如雲白。君初似我閑。月明僧渡水。木落火連山。從此天台約。來茲未得還。  
寄宋使君

寺倚烏龍腹。窗中見碧稜。空廊人畫祖。古殿鶴窺燈。風吼深松雪。爐寒一鼎冰。唯應謝內史。知此道心澄。  
懷武夷紅石子二首

常思紅石子。獨自住山椒。窗外猩猩語。爐中麁麁嬌。乳香諸洞滴。地秀衆峰朝。曾見奇人說。煙霞恨太遙。  
弋者終何慕。高吟坐綠龕。燒侵薑芋窖。僧與水雲袍。竹鞘畚刀缺。松枝獵箭牢。何時一相見。清話擘蟠桃。  
送人征蠻

七縱七擒處。君行事可攀。亦知磨一劍。不獨定諸蠻。樹盡低銅柱。潮常沸火山。名須麟閣上。好去及瓜還。  
懷周朴張爲

二子無消息。多應各自耕。巴江思杜甫。漳水憶劉楨。白髮應全白。生涯作麼生。寄書多不達。空念重行行。  
寄令狐郎中

雨打繁暑盡。放懷步微涼。綠苔狂似人。入我白玉堂。壘鳥眠堪畫。庭檉夜益香。唯應藥宮子。時到虎溪傍。  
鄱陽道中作

鄱陽古岸邊。無一樹無蟬。路轉他山大。砧驅鄉思扁。湖平帆盡落。天淡月初圓。何事堯雲下。干戈滿許田。  
歸故林別知己

別離無古今。柳色向人深。萬里長江水。平生不印心。遠書容北雁。贈別謝南金。媿勉青雲志。余懷非陸沈。

送僧遊天台

囊空心亦空。城郭去騰騰。眼作麼是眼。僧誰識此僧。歇隈紅樹久。笑看白雲崩。已有天台約。深秋必共登。

詠竹根琰子

出處慙林藪。才微幸一陽。不緣懷片善。豈得近馨香。節亦因人淨。聲從擲地彰。但令筋力在。永願報時昌。

硯瓦

淺薄雖頑樸。其如近筆端。低心蒙潤久。入匣更身安。應念研磨苦。無爲瓦礫看。儻然仁不棄。還可比琅玕。

水壺子

良匠曾陶瑩。多居筆硯中。一從親几案。常恐近兒童。卓立澄心久。提攜注意通。不應嫌器小。還有濟人功。

筆

莫訝書紳苦。功成在一毫。自從蒙管錄。便覺用心勞。手點時難棄。身閑架亦高。何妨成五色。永願助風騷。

碁

碁信無聲樂。偏宜境寂寥。著高圖暗合。勢王氣彌驕。人事掀天盡。光陰動地銷。因知韋氏論。不獨爲吳朝。

夜對雪作寄友生

皓彩中宵合。開門失所蹤。一作從何年今夜意。共子在一作老孤峰。氣射燈花落。光侵壁罅濃。唯君心似我。吟

到五更鐘。

題惠琮律師院

苦節兼青目。公卿話有餘。唯傳黃葉喻。還似白泉居。猿撥孤雲破。鐘撞衆木疎。社壇蹤跡在。重結復何如。

寄清冷山道人

常憶清冷子。深雲種早禾。萬緣雖不涉。一句子如何。蹤跡諸峰匝。衣裳老蠹多。江頭無事也。終必到煙蘿。

秋盡途中作

行行芳草歇。潭島葉紛紛。山色路無盡。砧聲客強聞。殘陽曜極野。黑水浸空墳。那得無鄉思。前程入楚雲。

秋居寄王相公三首

首句缺  
一字

禪林蟬□落地燥。可生苦。好句慵收拾。清風作麼來。餅唯餐喜悅。社已得宗雷。還似山中日。紫門更不開。

首句缺  
一字

松聲高似瀑。藥熟色如花。誰道全無病。時猶不在家。逐六塵名  
不在家也山童春菽粉。園叟送銀瓜。誰訪孫弘閣。談玄到日斜。

氣與非常合。常人爭得知。直須窮到底。始是出家兒。閑雀銜紅粟。鄰僧背古碑。祇應王與謝。時有沃州期。

讀玄宗幸蜀記

宋璟姚崇死。中庸遂變移。如何遊萬里。祇爲一胡兒。泣溼乾坤色。飄零日月旗。火從龍闕起。淚向馬嵬垂。

始憶張丞相。全師郭子儀。百官皆剽劫。九廟盡崩隳。塵撲銀輪一作暗。雷奔棧閣危。倖臣方賜死。野老不勝悲。時有羣叟遮道泣見于上。及雷飄淪日。行宮寂寞時。人心雖未厭。天意亦難知。聖兩歸丹禁。承乾動四夷。因知納諫諍。始是太平基。

# 禪月集卷五

## 聞徵四處士

一詔羣公起。移山四海聞。因知丈夫事。須佐聖明君。白酒全傾甕。蒲輪十載雲。從茲居諫署。筆硯幾人從。送友人下第遊邊

失意窮邊去。孤城值晚春。黑山霞不赤。白日鬼隨人。角咽胡風緊。沙昏碓月新。明時至公在。迴首莫因循。

## 寄匡山紀公

錦繡谷中人。相思入夢頻。寄言無別事。琢句似終身。書卷須求旨。鬚根易得銀。斯言如不。千里亦相親。聞無相道人順世五首

一事不經營。孤峰長老情。惟餐橡子餅。愛說道君兄。池藕香狸掘。山神白日行。又隰行脚也。何處化羣生。自昔尋師日。巔峰絕頂頭。雖聞不相似。特地使人愁。庭樹雪摧殘。上有白獼猴。大哉法中龍。去去不可留。常思將道者。高論地爐傍。迂談無世味。夜深山木僵。下山遭離亂。多病惟深藏。一別三十年。煙水空茫茫。石霜既順世。吾師亦不住。杉桂有猩猩。糠粃無句句。土肥多孟蕨。道老如瓔孺。莫比優曇花。斯人更難遇。百千萬億偈。其他勿交涉。所以那老人。密傳與迦葉。吾師得此法。不論劫不劫。去矣不可留。無蹤若爲躡。

## 苦熱



松桂枝一作畫不動。陽鳥飛半天。稻麻須一作傾。又作雜。結實。沙石欲生煙。毒氣仍干扇。高栝不立蟬。舊山多積一作雪。歸去是何年。

鄂渚贈祥公

寂寥堆積者。自爲是高僧。客遠何人識。吟多冷病增。松煙青透壁。雪氣細吹燈。猶賴師於我。依依非面朋。  
懷武昌樓一二首

常憶能吟一房連古帝墟。無端多忤物。唯我獨知渠。病愈囊空後。神清木落初。祇因烽火起。書札自茲疎。清風江上月。霜灑月中砧。得句先呈佛。無人知此心。師得句。祇云。堪供養佛。寂寥從鬼出。蒼翠到門深。惟有雙峰寺。時時獨去尋。

寒食郊外

寒食將吾族。相隨過石溪。塚花沾酒落。林鳥學人啼。白水穿蕪疾。新霞出霧低。不堪迴首望。家在赤松西。  
送道士歸天台

道高留不住。道去更何云。舉世皆趨世。如君始愛君。徑侵銀地滑。瀑到石城聞。他日如相憶。金桃一爲。  
經孟浩然鹿門舊居二首

孟子終焉處。遊人得得過。櫬深黃狄小。地煖白雲多。孔聖嗟大謬。玄宗爭奈何。空餘峴山色。千古共嵯峨。

花落谷鶯啼。精靈安在哉。青山不可問。永日獨裴回。塚穴應藏虎。荒碑祇見苔。伊余亦惆悵。昨日郢城迴。春送禪師歸閩中。

春色滿三湘。送師還故鄉。穿霞逢黑鳩。乞食得紅薑。大化宗門闢。孤禪海樹涼。儻爲新句偈。寄我亦何妨。途中逢周朴。

東西南北路。相遇共興哀。世濁一作獨無知己。子從何處來。菊衰芳草在。程遠宿煙開。儻遇中興主。還應不用媒。

避寇山中作

山翠碧嵯峨。攀牽去者多。淺深俱得地。好惡未知他。有草皆爲戶。無人不荷戈。相逢空悵望。更有好時麼。避寇上唐臺山。

蒼黃緣鳥道。峰脅見樓臺。種桂香皆滴。煙霞溼不開。僧高眉半白。山老石多摧。莫問塵中事。如今正可哀。題嶧桐一作擇詞律師院。

律中鱗角者。高談出塵埃。芳草不曾觸。幾生如此來。壑風吹磬斷。杉露滴花開。如結林中社。伊余亦願陪。上馮使君渡水僧障子。

跣足拄巴藤。潺湲渡幾曾。盡權無著印。不是等閑僧。熊耳應初到。牛頭始去登。晝來偏覺好。將寄柳吳興。秋夜翫月懷玉霄道士。

光異磨礪出輪非雕斲成。今宵剛道別。舉世勿人爭。征婦砧添怨。詩人哭到明。惟宜華頂叟。笙磬有餘聲。

上杭州令狐使君

顏冉德無鄰。分憂浙水濱。愛山成大癖。求瘼似諸身。視事奸回盡。登樓海岳春。野人如有幸。應得見陶鈞。

懷諸葛珏

一作

二首

諸葛子作者。詩曾我細看。出山因覓孟。踏雪去尋韓。遇孟郊。韓愈于洛下。謬獨哭不錯。諸葛云。思奉吳岫起吟索剡雲開。常流飲實難。諸葛

曾爲僧。名然。有詩云。到處自鑿井。不能飲常流。

知音知便了。歸去舊江干。

羸馬與羸童。微吟冒北風。店孤僧共歇。日落思無窮。囊草無非刺。魏人那識公。投魏不遇而去。鶯花五陵道。去去

與誰同。

懷錢唐羅隱章魯封

二子依公子。雞鳴狗盜徒。青雲十上苦。白髮一莖無。風澀潮聲惡。天寒角韻孤。別離千萬里。何以慰榮枯。

送沈侍郎

從知無遠近。木落去閩城。地入無諸俗。冠義甲乙精。山高高興亂。江直好風生。儉府清無事。唯應薦禰衡。

題宿禪師院

身閑心亦然。如此已多年。語淡不著物。茶香別有泉。古衣和蘚衲。新偈幾人傳。時說秋歸夢。孤峰在海邊。

秋晚泊石頭驛有寄

蕭索漳江北。何人慰寂寥。北風人獨立。南國信空遙。燒塢新雪白。漁家衆木凋。所思不可見。行雁在青霄。

別盧使君

杜宇聲聲急。行行楚水濱。道無裨政化。行處傲孤雲。幸到膺門下。頻蒙俸粟分。詩雖曾引玉。碁數中埋軍。山好還尋去。恩深豈易云。扇風千里泰。車雨九重聞。晴霧和花氣。危檣鼓浪文。終期陶鑄日。再見信陵君。

秋夜吟

如愚復愛詩。木落卽眠遲。思苦香消盡。更深筆尙隨。飢童舂赤黍。繁露灑烏裨。看卻龍鍾也。歸山是底時。

桐江閑居作十二首

木落雨脩脩。桐江古岸頭。擬歸仙掌去。剛被謝公留。猛燒侵茶塢。殘霞然角樓。坐來還有意。流水面前流。香剎通真觀。樓臺倚郡城。陰森古樹氣。粗淡老僧情。壁畫連山潤。仙鐘扣月清。何須結西社。大道本無生。靜室焚檀印。深爐燒鐵瓶。茶和阿魏煖。火種柏根馨。數隻飛來鶴。成堆讀了經。何妨似支遁。騎馬入青冥。不問賡桑子。唯師妙吉祥。等閑眠片石。不覺到斜陽。獨自收楮葉。教童採柏瓢。王孫莫指笑。淡泊味還長。詩琢冰成句。多將大道論。人誰知此意。日日祇關門。乳鼠穿荒壁。溪龜上淨盆。因知無事貴。言外更無言。紅黍飯溪苔。清吟茗數杯。祇應唯道在。一作無意俟時來。樹疊藏仙洞。山蒸足爆雷。從他嫌復笑。門更不曾開。

蟬急野蕭蕭。山中信屢招。樹香烹菌朮。詩□□瓊瑤。諸境教人認。荒榛引燒燒。吾皇禮金骨。誰□美南朝。  
第四句八  
句缺三字。

露滴滴蘅茅。秋成爽氣交。霜裊如蜜裹。□□似鹽苞。浮蘚侵蛩穴。微陽落鶴巢。還如山裏日。門更絕人敲。  
第四句  
缺二字。

塹鳥毛衣別。頻來似愛吟。蕭條秋病後。班駁綠苔深。珠翠籠金像。風泉灑玉琴。孰知吾所適。終不是心心。  
芙蓉峰裏居。關閉復何如。白獼兼花鹿。多年不見渠。紅泉香滴瀝。丹桂冷扶疎。唯有西溪叟。時時到敝廬。  
憶在山中日。爲僧鬢欲衰。一燈常到曉。十載不離師。水汲冰溪滑。鐘撞雪閣危。從來多自省。不學擬何爲。  
囊非撲滿器。門更絕人過。土井連岡冷。風簾迸葉多。村童頑似鐵。山菜硬如莎。唯有前山色。窗中無奈何。  
寄馮使君

山風與霜氣。浩浩滿松枝。永日燒杉子。無人共此時。爲文攀諷諫。得道在毫釐。唯有桐江守。常憐志不卑。  
經棲白舊院二首

竺卿何處去。觸目盡淒涼。不見中秋月。空餘一炷香。殘花飄暮雨。枯葉蓋啼螿。誰禮新墳塔。蕭條渭水傍。  
國寶還亡一。時多李德林。故人卿相泣。承製渥恩深。舊藁誰收得。空堂影似吟。裴回不能去。寒日下西岑。

贈李祐道人

一作贈道士

關茸復埃塵。難親復易親。皆疑有仙術。問著卻愁人。祇是耽浮蟻。曾云見泣麟。相逢先合手。渾似有前因。

贈景和尚院

藏經看幾徧。眉有數條霜。萬境心都泯。深冬日亦長。窗虛花木氣。衲挂水雲鄉。時說秋歸夢。峰頭雪滿牀。

上宋使君

折桂文如錦。分憂力若春。位高空倚命。詩妙古無人。有感禾爭熟。無私吏盡貧。野人如有幸。應得見陶鈞。

離亂後寄九峰和尚二首

亂後知深隱。菴應近石樓。異香因雪歇。仙果落池浮。詩老全拋格。心空未到頭。還應嫌笑我。世路獨悠悠。

蕭灑復蕭灑。松根獨據梧。瀑冰吟次折。遠燒坐來無。老癯寒披衲。孤雲靜入廚。不知知我否。已到不區區。

送黃賓于赴舉

第三句第七句各缺一字

冬暮雨霏霏。行人喜可稀。二階□夜雪。亞聖在春闈。馬疾頑童遠。山荒凍葉飛。□師無一事。應見麗龜歸。

題靈溪暢公墅

境清僧格冷。新斬古林開。舊隱還如此。令人來又來。嵐飛黏似霧。茶好碧於苔。但使心清淨。從渠歲月催。

送高九經赴舉

回也曾言志明君。則事之中興。今若此。須去更何疑。志列秋霜好。忠言劇諫奇。志列忠言皆舊人也陸機遊洛日。文舉

薦衡時。虎跡商山雪。雲痕岳廟碑。夫一作君將潦倒。一說向深知。

東西二林寺流水

水爾何如此。區區砭砭流。牆牆邊瀝瀝。砌砌下啾啾。味不卑於乳。聲常占得秋。崩騰成大瀑。落托出深溝。遠歷神仙窟。高淋竹樹頭。數家春碓磴。幾處浴猿猴。共月穿峰罅。喧僧睡石樓。派通天宇一作井。闊。霽入楚江浮。爲潤知何極。無邊始自由。好歸江海裏。長負濟川舟。

送王貞白重試東歸

心苦酬心了。東歸謝所知。可憐重試者。如折兩三枝。雨毒逢花少。山多愛馬遲。此行三可羨。正值倒戈時。早秋卽事寄馮使君

金脈火初微。開門竹杖隨。此身全是病。今日更嗔誰。落葉崢嶸處。諸峰爽拔時。唯思棠樹下。高論入圓伊。贈景和尚院

貌古眉如雪。看經二十霜。尋常對詩客。祇勸療心瘡。炭火邕湖澄。山晴紫竹涼。怡然無一事。流水自湯湯。寄西山胡汾

待價欲要君。山前獨灌園。雖然不識面。要且已消魂。鹿□紅霞影。泉淋白石門。伊余心更苦。何日共深論。題師穎和尚院

師院清無敵。師心智不知。臘高清眼細。閑甚白雲卑。煮茗然楓枿。泥牆朴祖碑。愛師終不及。謾住許多時。

遊雲頂山晚望

雲頂聊一望。山靈草木奇。黔南在何處。堪笑復堪悲。菊歇香未歇。露繁蟬不飢。明朝又西去。錦水與峨眉。

劉相公見訪

千騎擁朱輪。香塵豈是塵。如何補袞服。來看衲衣人。莊叟因先覺。空王有宿因。對花無俗態。愛竹見天真。欵枕松窗迴。題牆道意新。戒師慙匪什。都講更勝詢。桃熟多紅璽。茶香有碧筋。高宗多不寐。終是夢中人。

寄赤松舒道士二首

不見高人久。空令鄙悵多。遙思青嶂下。無那白雲何。子愛寒山子。歌惟樂道歌。會應陪太守。一日到煙蘿。

余亦如君也。詩魔不敢魔。一餐兼午睡。萬事不如他。雨陣衝溪月。蛛絲罨砌莎。近知山果熟。還擬寄來麼。

鄂渚逢楊贊禹

流浪兵荒苦。相思歲月闌。理惟通至道。人或謂無端。燒猛湖煙赤。窗空雪月寒。知音不可見。始爲一吟看。

別性空禪師

積翠迸一瀑。紅霞碧霧開。方尋此境去。莫問幾時迴。盪槩入檐石。思詩聞早雷。唯師心似我。欲近不然灰。

送胡處士

不名兼不利。相遇海西濱。白字未干髮。清時錯愛雲。頭巾多酒氣。竹杖有苔文。久積希顏意。林中又送君。



寄瀾公二首

小一頭應白。孤高住歙城。不知安樂否。何以近無生。師常供養十六羅漢。羅漢梵語。此云無生。燒逼鴻行側。風乾雪朕清。途中逢此

信。珍重未精誠。

荒亂拋深隱。飄零遠寓居。片雲無定所。得力是逢渠。光洞山道人云。吾生獨自往處處得逢渠。瀑瀉羣公社。江崩古帝墟。終期再相

見。招手復何如。

寄棲一上人

花塹接滄洲。陰雲閑楚邱。雨聲雖到夜。吟味不如秋。古屋藏花鴿。荒園聚亂流。無機心便是。何用話歸休。

送僧之湖南

湘水萬餘里。師遊芳草生。登山乞食後。無伴入雲行。宿雨和花落。春牛擁霧耕。不知今夜月。何處聽猿聲。

秋末寄張侍郎

靜坐一作處黔城北。離仁半歲彊。霧中紅黍熟。燒後白雲香。多病如何好。無心去始長。寂寥還得句。溪上寄

三張。

古一作入塞曲三首

單于烽火動。都護去天涯。別賜黃金甲。親臨白玉除。一作堦塞垣須靜謐。師旅審安危。定遠條支寵。如勝今

古時

方見將軍貴。分明帶冕旒。聖恩如遠被。狂虜不難收。臣節唯期死。功勳敢望侯。終辭脩里第。從此出皇州。百萬精兵動。參差便渡遼。如何好白日。亦照此天驕。遠樹深疑賊。驚蓬迴似鷗。凱歌何日唱。磧路共天遙。

古塞下曲七首

下營依遁甲。分帥把河隍。地使人心惡。風吹旗燄荒。搜山得一作探卒。放火獵黃羊。唯有南飛雁。聲聲斷

客腸。

歸去是何年。山連邏遼川。蒼黃曾戰地。空闊養鵬天。旗插蒸沙堡。槍擔卓槲泉。蕭條寒日落。號令徹窮邊。虜寇日相持。如龍馬不肥。突圍金甲破。趁賊鐵槍飛。漢月堂堂上。胡雲慘慘微。黃河冰已合。猶未送征衣。南北惟堪恨。東西實可嗟。常飛侵夏雪。何處有人家。風刮陰山薄。河推大岸斜。祇應寒夜夢。時見故園花。不是將軍勇。胡兵豈易當。雨曾淋火陣。箭又中金瘡。鐵嶺全無土。豺羣亦有狼。因思無戰日。天子是陶唐。榆葉飄蕭盡。關防烽寨重。寒來知馬疾。戰後覺人兇。燒逐飛蓬死。沙生毒霧濃。誰能奏明主。功業已堪封。萬戰千征地。蒼茫古塞門。陰兵爲客祟。惡酒發刀痕。風落崑崙石。河崩首蓓根。將軍更移帳。日日近西蕃。

古塞上曲七首

幽并兒百戰。百戰未曾輸。蕃界已深入。將軍仍遠圖。月明風拔帳。磧暗鬼騎狐。但有東歸日。甘從筋力枯。中軍殺白馬。白日祭蒼蒼。號變旗幡亂。磧一作沙乾草木黃。朔雲含凍雨。枯骨放妖光。故國今何處。參差近

鬼方。

白雁兼羌笛。幾年垂淚聽。陰風吹殺氣。永日在青冥。遠戍秋添將。邊烽夜雜星。嫵姚頭半白。猶自看兵經。

久一作大。

雨始無塵。邊聲四散聞。浸河荒塞柱。吹角白頭軍。戰一作牛。馬齒羶草。烏鳶識陣雲。征人心力盡。枯

骨更遭焚。

帳幕侵奚界。憑陵未可涯。擒生行別路。尋箭向平沙。赤落蒲桃葉。香微甘草花。不堪登隴望。白日又西斜。地角天涯外。人號鬼哭邊。大河流敗卒。寒日下蒼煙。殺氣諸蕃動。軍書一箭傳。將軍莫惆悵。高處是燕然。山接胡奴水。河連勃勃城。數州今已伏。此命豈堪輕。磧吼旄頭落。風乾刁斗清。因嗟李陵苦。祇得沒蕃名。

古出塞曲三首

掃盡狂胡迹。迴頭一作戈。望故關。相逢惟死鬪。豈易得生還。縱宴參胡樂。收兵過雪山。不封十萬戶。此事亦

應閑。

玉帳將軍意。殷勤把酒論。功高寧在我。陣沒與招魂。塞色干戈束。軍容喜氣屯。男兒今始是。識出玉關門。回首隴山頭。連天草木秋。聖君應入夢。半路遣封侯。水不擔陰雪。柴令倒戍樓。歸來麟閣上。春色滿皇州。

聞赤松舒道士下世

東陽未亂前相別

地變賢人喪。瘡痍不可觀。一聞消息苦。千種破除難。陰罵那虛擲。紅山近始安。立關評兔角。玉器琢雞冠。

傲野高難狎。融怡美不殫。冀迎新渥澤。

時太守方歸道業奏聞微出

遽逐逝波瀾。銳殼埋金隧。飛精駕錦鸞。傾摧千仞壁。

枯歇一株蘭。

一作雞

仙廟詩雖繼。苔牆篆必軌。

師善大小篆嘗有詩題赤松子廟

煙霞成片黯。松桂著行乾。影拄溪流咽。堂局

陳月寒。寂寥遺藥犬。縹緲想瓊竿。伊昔相尋遠。留連幾盡歡。論詩花作席。炙菌葉爲盤。彭伉心相似。承禎

趣一般。琴彈溪月側。碁次砌雲殘。儵忽成千古。飄零見百端。荆襄春浩浩。吳越浪漫漫。已矣紅霞子。空留

白石壇。無弦亦須絕。回首一長歎。

### 贈抱麻劉舍人

郡政今良吏。門風古縉紳。萬年唐社稷。一箇哭麻人。憤烈身先死。敷敷氣益貞。

一作真

天乎資大寶。泰矣見

忠臣。得罪鍾多故。投荒豈是連。玉寒方重澀。松古吏青皴。鸚鵡寧唯白。龍多豈止筍。道孤梳有雪。恩重淚

盈巾。喻蜀須憑草。成周必仗仁。三峰宵旰切。萬里渥恩新。賦鵬言無累。依劉德有鄰。風期仁祖帽。鼠訝史

雲塵。叟禪知何幸。玄談有宿因。雙溪逢陸海。

東陽見故浙西侍郎

荆渚遇平津。

江陵見吏部相公

落日愁聞笛。何人爲吐茵。生徒

希匠化。寰海仰經綸。疾愈蟬聲老。

時公在荊州南居夏疾方可

年豐雨滴頻。劉虬師弟子。時喜一相親。



# 禪月集卷六

## 夜寒寄盧給事二首

刻羽流商否。霜風動地吹。邇來唯自惜。知合是誰知。塹雪消難盡。鄰僧睡太奇。知音不可得。始爲一吟之。心苦味不苦。世衰吾道微。清如吞雪雹。誰把比珠璣。作者相收拾。常人任是非。舊居滄海上。歸去卽應歸。

## 送葉蒙赴舉

年年屈復屈。惆悵曲江湄。自古身榮者。多非年少時。空囊投刺遠。大雪入關遲。來歲還公道。平人不用疑。

## 聞王慥常侍卒三首

世亂君巡狩。清賢又告亡。星辰皆有角。日月略無光。金柱連天折。瑤階被賊荒。令人轉惆悵。無路問蒼蒼。宗社運微衰。山摧甘井枯。不知千載後。更有此人無。政入龔黃甲。詩輕沈宋徒。受恩酬未得。不覺祇長吁。儻在扶天步。重興古國風。還如齊晏子。再見狄梁公。棠樹梅溪北。公爲婺州大理。梅溪婺之亭名。佳城舜廟東。誰脩循吏傳。對此莫怱怱。

## 秋晚野步

藤屨兼閩竹。吟行一水傍。樹涼蟬不少。溪斷路多荒。燒岳陰風起。田家濁酒香。登高吟更苦。微月出蒼茫。

聞大願和尚順世三首

王室今如燬，仍聞喪我師。古容圖得否，內院去無疑。

大師行高德廣，必生彌勒內院。

岳鬼月中哭，松龕雪次墮。直須文五色，

始可立高碑。

鄴衛松杉外，芝蘭季孟閒。盡希重詔出，祇待六龍還。不疾成千古，令焚動四山。感恩終有淚，遙寄水潺潺。師稟盡名卿，孤峰老稱情。若遊三點外，爭把七賢平。苦霧埋空室，啼猿有咽聲。今朝益惆悵，曾沐下牀迎。愚常念法華經，師見即下牀迎云，吾不敢以衆人相待也。

聞葉蒙及第

憶昨送君詩，平人不用疑。吾徒若不得，天道卽應私。塵土茫茫曉，麟龍草草騎。相思不可見，又是落花時。

送僧之靈夏

舊識爲邊帥，師遊勝事兼。連天唯白草，野餅有紅鹽。蕃近風多鼓，河渾磧半淹。因知心似月，處處有人瞻。

書無相道人菴

造化太茫茫，端居紫石房。心遺無句句，頂處有霜霜。白鹿眠枯葉，清泉灑毳囊。寄言疑未決，一作已須道雪溪旁。

明進士北齋避暑

相訪多衝雨。由來德有鄰。卷簾繁暑退。溼樹一蟬新。道在誰爲主。吾衰自有因。祇應江海上。還作狎鷗人。

晚春寄吳融于競二侍郎

白頭爲遠客。常憶白雲閒。祇覺老轉老。不知閑是閑。花含宜細雨。室冷是深山。唯有霜臺客。依依是往還。

喜不思上人來

沃州那不住。一別許多時。幾度懷君夜。相逢出夢遲。瓶擔千丈瀑。偈是七言詩。若向羅浮去。伊余亦願隨。

秋懷赤松道士

仙觀在雲端。相思星斗寒。一作常憐呼鶴易。卻恨見君難。石罅青蛇溼。風櫺白菌乾。終期花月下。壇上聽

君彈。

送劉逖赴閩辟

離亂生涯盡。依劉是見機。從來吟太苦。不得力還稀。路入閩山熟。江浮瘴雨肥。何須折楊柳。相送已依依。

苦雨中作

通宵復連夕。其狀祇如傾。却遣思山者。忽然嫌水聲。好花飄草盡。古壁欲雲生。不奈天難問。迢迢遠客情。

送僧歸日本

焚香祝海靈。開眼夢中行。得達卽便是。無生可作輕。流黃山火著。碓石索雷鳴。想到夷王禮。還爲上寺迎。

有僧遊日本云。彼祇有三寺。上寺名兜率。國王供養。中寺名浮上。極品官人供養。下寺名祇上寺。風俗供養有德行卽漸遷上也。



贈信安鄭道人

貌古似蒼鶴。心清如鼎湖。仍聞得新義。便欲註陰符。點化金一作默。常有閑行影。漸無杳兮中。便是應不

食菖蒲。

送吏部劉相公除東川

帝念梓州民。年年戰伐頻。山川無草木。烽火沒煙塵。政亂皆因亂。安人必藉仁。皇天開白日。殷鼎輟誠臣。一日離君側。千官送渭濱。酒傾紅琥珀。馬控白麒麟。渥澤番番降。壺漿處處陳。旌幢山色溼。珂轡鳥啼新。帟幕還名儉。良醫始姓秦。軍雄城似岳。地變物含春。白必侵雙鬢。清應誠四鄰。吾皇重命相。更合是何人。

送智光禪伯

萬事歸一衲。曹溪初去尋。從來相狎輩。盡不是知音。乞食林花落。穿雲翠巘深。終希重一見。示我祖師心。

夜對雪寄杜使君

第十四句  
缺一字

片片含天意。紛紛勢莫拘。灑於諸瑞後。時有柏樹再生甘露類供。憂恐一冬無。鶴禁聲偏密。風焦片益粗。冷牽人夢轉。清

逼瘴根徂。掃徑僧傾笠。爲詩士棄爐。橋高銀蠅棘。峰峻玉浮圖。盈尺何須問。豐年已可□。遙思郢中曲。句句出冰壺。

送王穀及第後歸江西

太宗羅俊彥。桂玉比光輝。難得終須得。言歸始是歸。風帆天際吼。金鷄月中飛。五府如交辟。魚書莫便稀。  
送盧瞻罷廬陵幕歸闕鄉

文行成身事。從知貴得仁。歸來還寂寞。何以慰交親。芳草色似動。胡桃花又新。昌朝有知己。好作諫垣臣。

避寇白沙驛作

第五句  
缺三字

避亂無深淺。蒼黃古驛東。草枯牛尙齧。霞溼燒微紅。□□時時□。人愁處處同。猶逢好時否。孤坐雪濛濛。

聞李頻員外卒

蒼蒼難可問。問答亦難聞。落葉平津岸。愁人李使君。文章應力竭。茅土始天分。又逐東風去。迢迢隔嶺雲。

江陵寄翰林韓偓學士

久住荆溪北。禪關挂綠蘿。風清閑客去。睡美落花多。萬事皆妨道。孤峰謾憶他。新詩舊知己。始爲味如何。

閑居作

閑門微雪下。慵惰計全成。默坐便終日。孤峰祇此清。身心閑少夢。杉竹冷多聲。唯有西峰叟。相逢眼最明。

和韋相公見示閑臥

刻形求得相。事事未嘗眠。霖雨方爲雨。非煙豈是煙。童收庭樹果。風曳案頭牋。仲虺專爲誥。何充雅愛禪。

靜嫌山色遠。病是酒杯偏。蜩響初穿壁。蘭芽半出韮。堂懸金粟像。

相公常供養  
維摩居士

門枕御溝泉。旦沐雖頻握。融

帷執敢褻。德高羣彥。碩善植。幾生前。脩補烏皮几。深藏子敬氈。扶持千載聖。瀟灑一聲蟬。碁陣連殘月。僧交似大顛。韓吏部重常知生似幻。維重直如弦。餅憶蕝羹美。茶思岳瀑煎。祇聞溫樹舉。堪鄙竹林賢。脫穎三千士。馨香四十年。寬平開義路。淡泞潤清田。哲后知如子。空王夙有緣。對歸香滿袖。吟次月當川。休說慙如捷。堯天卽梵天。

寄山中伉禪師

舉世遭心使。吾師獨使心。萬緣冥目盡。一句不言深。野火燒無石。殘霞照栗林。秋風溪上路。終願一相尋。

秋寄栖一

一別一公後。相思時一吁。眼中瘡校未。般若偈持無。公時有眼瘡。因爲之念多心經。卷句冰團大。爐煙櫪櫪粗。勸君君記取。不用更他圖。

懷匡山山長二首

白石峰之半。先生好在麼。捲簾多大瀑。常恨不如他。杉罅龍涎溢。潭坳石髮多。吾皇搜草澤。爭奈謝安何。見說面前峰。尋常醉亦登。雨餘多菌出。燒甚古崖崩。覓句曾衝虎。耕田半爲僧。聞名多歲也。常恨不飛騰。

懷高真動二首

知爾今何處。孤高獨不羣。論詩唯許我。窮易到無文。貰酒兒穿雪。尋僧月照雲。何時再相見。兵寇尙紛紛。

久別無消息。今秋忽得書。諸孤婚嫁苦。求己世情疏。亂世無喬木。溪多不釣魚。祇應金一作全岳色。如爾復如余。

### 秋末入匡山船行八首

楚國茱萸月。吳吟梨栗船。遠遊無定所。高臥是何年。浪卷紛紛葉。檣衝澹澹煙。去心還自喜。廬岳倚青天。蘆葦深花裏。漁歌一曲長。人心雖憶越。帆態似浮湘。石獺銜魚白。汀茅浸浪黃。等閑千萬里。道在亦無妨。島上離家化。茅茨竹戶開。黃桑雙鷓喜。白日有誰來。擔浪澆秋芋。緣灘取淨苔。回頭深自媿。舊業本蒿萊。匡阜層層翠。脩江疊疊波。從來未曾到。此去復如何。水廟寒鴉集。沙村夕照多。誰如垂釣者。孤坐鬢皤皤。晚泊蒼茫浦。風微浪亦粗。估喧如亥合。檣密似林枯。地峻湖無口。潮寒蚌有珠。東西無定所。何用問前途。

### 第五句

缺一字。

島香思賈島。江碧憶清江。囊橐誰相似。饑慵世少雙。鼉驚入窟月。燒到繫船樁。謾有歸鄉夢。前頭是楚邦。南北雖無適。東西亦似萍。霞根生石片。邊跡壞沙汀。莽莽蒹葭赤。微微蜃蛤腥。因思范蠡輩。未免亦飄零。曉色千橋去。長江八月時。雨淙山骨出。捍擱岸形卑。野水畚田黑。荒汀獨鳥癡。如今是清世。誰道出山遲。

### 送僧歸華山

心枯納亦枯。歸岳揭空盂。七貴留不住。孤雲出更一作便孤。燒灰猶湯足。雪片似黏鬚。他日如相覓。障應道。

到吳。

送友人之嶺外

第七句  
缺一字

五嶺難爲客。君遊早晚回。一囊秋課苦。萬里瘴雲開。金柱根應動。風雷船欲來。明時好□進。莫滯長卿才。

送盧舍人朝覲

羶行無爲日。垂衣帝道亨。聖真千載聖。明必萬年明。重德須朝覲。流年不可輕。洪才傳出世。清甲得高名。罕玉藏無映。嵇松畫不成。起銜軒后勅。醉到亞夫營。燒闕荊州熟。霞新峴首晴。重重堯雨露。去去漢公卿。白髮應從白。清貧但更清。夢緣丹陛險。春傍綵衣生。旣握鍾繇筆。須調傅說羹。倘因星使出。一望灑支鏗。

上馮使君山水障子

憶山歸未得。畫出亦堪憐。崩岸全隳路。荒村半有煙。筆句岡勢轉。墨槍燒痕顛。遠浦深通使。孤峰冷倚天。紫棚坐逸士。露茗煮紅泉。繡與蓮峰競。威如劍閣牽。石門關塵鹿。氣候有神仙。茅屋書窗小。苔階滴瀑圓。松根擊石朽。桂葉蝕霜鮮。畫出欺王墨。擎將獻惠連。新詩寧妄說。舊隱實如然。願似窗中列。時聞大雅篇。

送令狐煥赴闕

渚宮遙落日。相送碧江湄。陟也須爲相。天乎更贊誰。風高檣力出。霞熱鳥行遲。此去多來客。無忘慰所思。

送吳融員外赴闕

漢文思賈傅。賈傅遂生還。今日又如此。送君非等閑。雲寒猶惜雪。燒猛似烹山。應笑無機者。騰騰天地間。

送姚洎拾遺自江陵幕赴京

捧詔動征輪。分飛楚水濱。由來真廟器。多作伏蒲人。捨魯知非願。朝天不話貧。沙頭千騎送。島上一蟬新。莫使身侵貴。無矜貴逼身。玉階凝正色。蘭苑漲芳塵。鑾輅方離華。車書漸似秦。流年飄儻忽。書札莫因循。涼雨鳴紅葉。非煙閉紫宸。憑將西社意。一說向荀陳。

送僧入石霜

註內缺  
五字

舉世祇堪吁。空知興道俱。論心禱至聖。對鏡破凡夫。業王如雲合。頭低似箭驅。牛頭大師云。猶妄心起。業如雲俱。合論云。入地獄人頭向下也。

三清徒妄想。千載亦須臾。唯我流陽叟。深雲領毳徒。盡騎香白象。皆握月明珠。寂寞排松榻。爛斑半雪鬚。苔侵長者論。嵐蝕祖師圖。翠嶽金鐘曉。香林寶月孤。熒熒齊白趾。赫赫共洪爐。山色鋤難盡。松根踏欲無。難評傳的的。須到不區區。療合新羅瘦。爐煙槽柘粗。燒畚平虎窟。分瀑入香廚。師去情何切。人閒事莫拘。穿林宿古塚。踏葉揭空盂。無事終無事。令枯便合枯。鳥巢和尚云。無事無事爲。法道云。學向上事不入。卽須如枯。好也。他年相覓在。亦不是生蘇。

送僧歸南康

殼殼學得律。遠鄉見苦情。遠思芳草盛。不入楚山行。帆入汀煙健。經吟戍月清。到鄉同學輩。應到贛江迎。

送陳秀才赴舉兼寄韓舍人

主聖臣賢日。求名莫等閑。直須詩似玉。不用力如山。草白兵初息。年豐駕已還。憑將安養意。一說向曾顏。

普西社軍公盡生安養。安養西方也。

送友人及第後歸台州

得桂爲邊辟。翩翩頗合宜。嫵姚留不住。畫錦已歸遲。島側花藏虎。湖心浪撼葦。終期華頂下。共禮淥身師。

天台石橋有白道。猷坐化身淥也。

晚春寄張侍郎

遐想涪陵岸。山花半已殘。人心何以遣。天步正艱難。時昭宗在岐下。烏聽黃袍小。黃袍也。城臨白帝寒。應知窗下夢。

日日到江干。

寄景判官兼思州葉使君

獨住西峰半。尋常欲下難。石多桐屐響。香甚藥花乾。往苒新鶯老。窮通亦自寬。髯參與短簿。始爲一吟看。

送盧秀才應舉

幾載阻兵荒。一名終不忘。還衝猛風雪。如畫冷朝陽。時名畫李白。王昌齡常建冷朝陽。冒風雪入京。句好慵將出。囊空卻不忙。明年公道日。去去必穿楊。

聞新蟬寄桂雍

新蟬終夜叫。嘒嘒隔溪澗。杜宇仍相雜。故人聞不聞。捲簾花動月。冥目砌生雲。終共謝時去。西山鸞鶴羣。

寄懷楚和尚二首

吾師師子兒。而復貌瓌奇。何得文明代。不爲王者師。鐵盂湯雪早。石炭煮茶遲。謾有參尋意。因循到亂時。

和韋相公話婺州陳事

昔事堪惆悵。談立愛白牛。法華經以白牛喻大乘。千場花下醉。一片夢中遊。耕避初平石。燒殘沈約樓。無因更重到。且

副濟川舟。



